

VURHANGERI

 Ndza khensa, Makwerhu Williams. Ndzi xeweta, Makwerhu Salano na nsati wa yena, na varhumiwa hinkwavo lava va nga lahawani eswakudyeni vusiku lebyi. Hakunene i nkateko kuva lahawani. A ndzi yi languterile awara leyi kusukela loko hi tava hi sungule hi ndlela leyi.

² Nakona ndzi—ndzi lava ku khensa manana yaloye, a ndza ha ri ehleketi vito ra yena, Billy ntsena u ndzi byerile, leswaku u ndzi nyikile bokisi ra swiwintsi swa Khisimus, ntsena u swi humesile emovheni eka xinkadyana lexi xi nga hundza. Sesi, a ndza ha ri ehleketi vito ra yena, u huma lahawani a California. Yaleyi i nyiko ya mina yo sungula ya Khisimus. Swingaleswi ndza—ndza ku khensa ha swona.

³ Sweswi, vusiku lebyi i...Sweswi a Tucson i khume ra timinetse ku bile awara ya nkaye, kambe ndzi ehleketa leswaku kova ntsena khume ra timinetse ku bile awara ya nhungu lahawani. Swingaleswi hina...Ndzi na matitwele exikarhini ka vanhu, ndzi wa maendlelo yo wayindhela ndzi lehisa hi ku chumayela, swingaleswi ndza—ndza tsembha... [Nhlengeletano yi ba mavoko—Muhleri.] Ndza khensa. Tani hi...vanhu vanwana va kahle lava va nga lahawani. Ndza mi khensa.

⁴ Kambe ntsena ndzi—ndzi chumayerile nyana swintsongo, hakanyingi, vusiku lebyi, a ndzi famba nkarhi wo leha kusuka—kusuka eShreveport niku rhendzeleka hi tiko (ndzi vuya hi ndlela leyi) vusiku byin'wana na byin'wana, nakona mi kumeka mi ninginisiwa—ninginisiwa nyana, ma swi tiva, na ku titimela, na minkolo ya n'wina yi va na mamvharamvhara. Ndzi sungule hi le Shreveport. Ndzi lahlekele hi misisi loko ndzi...malembe yantsongo lawa ya nga hundza. Kutani a ndzi ri na xiphemu nyana lexi a ndzi xi tlhandleka loko ndzi chumayela eka tiko rale n'walungwini, leswaku ndzi nga khomowi hi xirhami. Ndzi yile eShreveport ndzi ya xirivala, nakona hakanene ndzi khomowi hi xirhami. Mimoya ya kona yi ta hi ndlela yaleyi, ntsena u kumeka u nga switivi. Xi susiwile ndzi nga ehleketa, nakona nhlonge ya ha olova, ntsena na nyuku nyana nakona ndzi na swona enkolweni; a ndzi fanele hi ku pfala tinhlengeletano to tala. Swingaleswi ndzi na mamvharamvhara nyana vusiku lebyi.

⁵ Hi lava ku vula leswaku hi vile na nkarhi wa kahle wo ta lahawani, hambi swi ri tano, eka tinhlengeletano. Vusiku bya tolo hi vile na nkarhi wa kahle e...na vamakwerhu, ehenhla, eka chaptara leyin'wana. Kutani hi vile na ntshungu wa kahle na vunyingi bya kahle lebyi a byi tile, vanhu a va xixima va

tlhela va va kahle. Swingaleswi swi ndzi endla ndzi titwa kahle swinene kuva xiphemu xa Full Gospel Business Men. Swi tani...

⁶ Ndzi na Hungu, ndza ri twa, ro huma eka Xikwembu. A Ri twisiseki eka vanhu van'wana. Nakona a ndzi nge swikoti kuva ndzi nga ha ri tano... Ntsena ndzo fanelu kuva leswi ndzi nga xiswona. Kutani hina... A ndzi vuli leswaku hi hambanile, kova ntsena leswaku mina—ndzi hanya eka nkarhi lowu wu ncincaka. Hi...

⁷ Ntsena loko wa ha aka khumbhi rin'wana riva leri nga lulama, swi kahle hinkwaswo, mu—mu muaki a nga haya emahlweni na rheyi. Kambe loko u fanele hi ku jikisa khona, kwalaho hilaha nkarhi... Nakona a hi le ku akeni ka khumbhi; hi aka yindlu, wa vona, swingaleswi mijiko leyi yi fanele kuta. Yi tile hi nguva ya Martin Luther, John Wesley, na hi nguva ya Pentekostal; hi leyi lahwani nakambe. Swingaleswi hina... swa hi tikela ku jikisa tikhona. Kambe ndzi khensa swinene hi... eka Xikwembu, hambi hilaha swi tikaka hakona, vanhu va hlamlule hi tiphesente ta dzana. Swingaleswi hi khensa swinene, ndzi khensa un'wana na un'wana wa n'wina.

Kutani sweswi hi nga se pfula Buku, a hi vulavuleni na Mutsari, loko hi leswaku mi nga swikota, ntsena xinkadyana, loko ha ha korhamisa tinhloko ta hina:

⁸ Xikwembu lexi rhandzekaka, ha Ku khensa swinene vusiku lebyi hi nkateko wo tiva Yesu Kreste (Muponisi wa hina) N'wana wa Wena, eka kuva a hi rivalela swidyoho swa hina mahala, niku tiva leswaku Ngati ya Yena yi enerile laha yi funengetaka swidyoho swa hina na vubibi bya hina. A swi nyamile swinene kutani swi hoxiwa elwandle ra Xikwembu ro rivalela nakona Mutekiwa wa Yena u ta yima eNkhubyeni wa Vukati, a tengile, a ri loyi a nga hungukangiki, ku ta vutana na N'wana wa Xikwembu. Hilaha hi Ku khensaka hakona hi ku enetiseka loku hinkwako na ripfumelo ro tiva leswaku a hi tshembheli eka leswi swi nga swa hina kambe eka leswi swi nga swa Yena ari yexe, eka leswi A nga hi endlela swona. Ha khensa swinene.

⁹ Ha Ku khensa ku—ku humeleta loku vamakwerhu lava va ngava na kona endzhandzheni wa malwandle nale ka matiko lawa ya nga lahaya laha va nga nandlala na torha ra Xikwembu. Ndza khongela, Hosi, leswaku loko va tlheleta endzhaku nakambe, leswaku vana lava va nga tisiwa eMfun'weni va tava va kokwa-kokwana vaxisati na vakokwa-kokwana va xinuna va vana lava va nga ta nghena na vona. Hi nyike swona, Tatana.

¹⁰ Hi katekisi kun'we, vusiku lebyi, nakona leswaku Moya lowo Kwetsima wu hi nyika swilo leswi hi nga na swilaveko na swona. Pfala milomo ya hina eka swilo leswi hi nga

fanelangiki ku swivula, kutani u pfula timbilu ta hina leswaku hi amukela leswi U nga ta hi byela swona. Hi nyike swona, Tatana. Hi Vito ra Yesu ha khongela. Amen.

¹¹ Sweswi a hi pfuleni eka Bibebe eka xitsalwana nyana lexi ndzi tsakelaka ku vulavula hi xona xinkadyana vusiku lebyi, nakona xi kumeka eka Mukwetsimi Mark, kuavanyisa ka vu10.

¹² Nakona ndzi na... Malembe mantsongo lawa ya nga hundza loko ndzi lava ku vulavula, a ndzi nga—a ndzi nga tsali hambi kuri ku tsala tinotsi tinene, a ndzi swi tsundzuka kunene. Nakona a ndzi nga kali ndzi ambala tinghilazi ku hlaya aBibeleni. Kambe kusukela loko ndzi tava ndzi hundzile makume mbirhi ntlhanu sweswi, ka mbirhi, kutani swi hi maendlelo yo ndzi tikela nyana ku—ku endla leswi a ndzi swi toloverile ku swi endla. Nakona swikotisa movha lowu wu nga hlakala, kambe ndza ha tsutsuma. Ahaa, ndzi lava ku tshamela ro humesa mpfumawulo loko ndzi ri ekufambeni ku kondza... ndzi ya eka nhulu ya swikirepe kuya vumbiwa nakambe. Xexo hi xona xitsembhiso.

¹³ Mukwetsimi Luka, kuavanyisa ka vu10, kutani hi sungula eka... Ndzi pfumela leswaku ndzi vule vhese ya vu21, loko hi leswaku ndzi nga yi kuma kun'wana lahwani. Ndzi endlile xihoxo, i Mukwetsimi Marka. Ndzi khomeleni.

¹⁴ Mukwetsimi Marka, kuavanyisa ka vu10, na ya—ya yumakume mbirhi—...hi sungula hi vhese ya vu21, ndzi lava ku yi hlaya. A hi kumeni vhese ya vu17, kumbexani:

*Kute loko a humele ndleleni, un'wana a tsutsuma,
a nkhinsama emahlweni ka yena, a n'wi vutisa, a
ku: Mufundhisi lonene, ndzi ta endla yini eku dya
ndzhaka ya vutomi lebyi nga heriki?*

*Yesu a ku ka yena: U ndzi vulela yini lonene? A ku
na lonene loko a nga ri un'we, xi nga Xikwembu.*

*Wa tiva milawu leyi nge: U nga tshuki u endla
vuoswi, U nga dlayi, U nga yivi, U nga lumbeti, U nga
dyi swa un'wana, U va na xichavo eka tata wa wena ni
mana wa wena.*

*A hlamula, a ku ka yena: Mufundhisi, hinkwaswo
leswo ndzi swi hlayisile eku sukela vuhlangini bya
mina.*

*Kute loko... Kute loko Yesu a n'wi langutile, a n'wi
rhandza, kutani a ku ka yena: U pfumala xilo xin'we:
Famba, u ya xavisa hinkwaswo leswi u nga na swona,
u nyika swisiwana, kutani u tava ni xuma etilweni;
kutani u ta, nakona u rhwala xihambano xa wena, u
ndzi landza.*

*Kambe a tlhaviwa hi rito leri, a famba a hlunamile,
hikuva ari munhu wa rifuwo lerikulu.*

I ngaku Hosi yi nga katekisa ku hlayiwa ka Rito ra Yona.

¹⁵ Sweswi, hi ya ekuvulavuleni vusiku lebyi hi nhloko-mhaka. Ndzi lava leswaku tsalwa ra mina ri va leri nge “Ndzi landzi,” kambe nhloko-mhaka ya mina yi ri: *Vurhangeri*.

¹⁶ Sweswi swa chavisa, kambe ndzi ehleketa leswaku kumbexani, namuntlha hi ku khongela... Nakona ndzi langutele nkarhi wo leha, nakona vusiku byin’wana na byin’wana eka ntila wa Hungu leri ndzi nga na rona, leri Hosi yi nga ndzi nyika rona leswaku ndzi vulavula hi rona. A ndzi ehleketa leswaku vusiku lebyi, eka kuavanyisa loku lokuntshwa, ndzi ku tshunelela kusuka eka ku yima loku ku hambaneke. Kutani minkarhi yo tala hi vulavurile hi yona, hi yi vitana, “Mufuwi Lontsongo Loyi A Fuweke.” Na—na vaministara votala lava va nga lahwani, vamakwerhu va mina, a swikanakanisi leswaku va yi tshunelerile hi tindlela to tala to hambana. Nakona ndzi lava ku ringeta ku yi tshunelela hi—hi ndlela yo hambana vusiku lebyi kutlula hilaha ndzi nga tshama ndzi va na yona, leyi ya *Vurhangeri*.

¹⁷ Leswi, tsundzukani leswi, leswaku un’wana na un’wana wa hina, lavantsongo na lavakulu, goza ro sungula leri u nga tshama u ri teka evuton’wini bya wena, un’wana u fanele ku ku rhangela. Hi swona sweswo. Nakona goza ra wena ro hetelela leri u nga tshama u ri endla, un’wana u tava ari karhi a ku rhangela. Un’wana u fanelia ku rhangela.

¹⁸ Xikwembu xi hi fananisile na tinyimpfu. Nakona loko kuri na un’wana a tivaka hi ku kurisa nyimpfu na ntumbuluko wa nyimpfu, hikokwalaho ka yini, wa switiva leswaku nyimpfu yi ngaka yi nga yi kumi ndlela ya yona. U ta fanelia ku rhangeriwa. Hambi kuri eku dlayiweni, hi kuma leswaku va tisa nyimpfu lahaya nakona yi rhangeriwa hi mbuti ku ya eku dlayiweni. Mbuti ya n’wi rhangela, kutani loko a fika emakumu ka ndhawu yo rheta wa tlula, kutani nyimpfu yi ya emahlweni eku dlayiweni. Swingaleswi ti...Hi kuma leswaku nyimpfu yi ngaka yi nga yi kumi ndlela ya yona.

¹⁹ Ndzi tsundzuka ntokoto lowu ndzi ngava na wona na yin’wana, nkarhi wun’wana. A ndzi ri mulanguteri wa ntanga wa swiharhi wa mfumo eIndiana, nakona a ndzi humile ndzi ri ensin’wini; kutani ndzi twe xin’wana, ku rila kun’wana ka vusiwana swinene. Kutani a xi ri—a xi ri xinyimpfana lexintsongo, a xi—a xi lahlekeriwele hi mana wa xona. Nakona a xi nga swikoti ku kuma ndlela yo n’wi kuma, na manana a nga swikoti ku kuma ndlela yo—yo kuma xinyimpfana lexintsongo. Ndzi n’wi tlakurile nakulorhi lontsongo, ni hilaha a nga miyerisa xiswona a ndzi khegetela. Ndzi fambile kwalahaya, mavoko ya mina ya tlakurile nakulorhi lontsongo. A ri karhi a rila, nakona—nakona ndzi n’wi twile. Hilaha ari karhi a ndzi dlivadliwa hi nhloko ya yena a tsakile nakona a switikomba tani hiloko a switiva leswaku a ndzi—ndzi—ndzi ya eku n’wi pfuneni.

²⁰ Ndzi ehleketa, “O Ribye ra Tinguva, vana rifa ra mina, ndzi tlakuli emavokweni ya Hosi Yesu, ntsena ku tsaka tani hilaha ndzi switivaka leswaku ndzi—ndzi ya eKaya ku ya hlangana na varhandziwa va mina.” Ndzi ehleketa, “Emakun’wini ya rendzo ra vutomi bya mina, ntsena ndzi tlakuli emavokweni ya Wena, Hosi, tani hi sweswo. Leswaku ndza switiva leswaku ndzi ta tlakuriwa ndzi tsemekanyisiwa nambu kwalaho, lahaya eka tlhelohelo lerin’wana laha ku nga tava kuri hava maxangu na vuvabyi, na swin’wana, nakona ndzi tava ndzi ri na varhandziwa lava ndzi nga tshama ndzi va rhandza.”

²¹ Nakona loko u nga dyondza ntumbuluko, ku na nchumu lowukulu eka ntumbuluko. Hinkwaswo leswi ndzi—leswi ndzi swilangutaka, nakona Xikwembu xi swi endlile, hi Xona Mutshahi wa ntumbuluko. Ntumbuluko wu famba hi ku vuyelela. Ntumbuluko hinkwawo wu famba kufana. Mi xiyisisa, hinkwaswo...Tani hilaha ndzi vuleke, ndzi pfumela leswaku i madyambu lawa ya nga hundza, leswaku “Ntumbuluko wu mbhoniyela hi Xikwembu.” Loko hi leswaku a wu se tshama u va na Bibele, u nga ha hlalela ntumbuluko nakona u switiva leswaku Bibele ley i Ntiyiso.

²² Ndzi—ndzi vile na nkateko wa ku rhendzeleka na ku rhendzeleka na misava. Nakona ndzi hlayile swiga swo hambanana, nakona ndzi vonile vukhongeri byo hambana; va Mohammedans, nakona ndzi hlayile Koran, ni—ni ku vona ma Sikhs, na ma Jains, na va Mohammedans, na ma Buddhists, na van’wana votala. Kambe hambi swi ri tano, byin’wana na byin’wana bya byona, byi na filosofi na—na—na—na buku ya mikhuva na buku ya milawu, na kuya emahlweni. Kambe Bibele ya hina hi yona Ntiyiso, nakona Xikwembu xa hina hi xona xi ri Xin’we xi nga na ntiyiso; hikuva un’wana na un’wana wa vona u ta fanela ku kombetela sirha kun’wana laha loyi a ngava musunguri wa vona a nga tlela kona na sweswi, kambe Vukreste byi kombetela eka sirha leri ri ahlameke nakona hi nga hanya eVukoneni bya Un’wana loyi a vekiwe kwalahaya. Wa hanya! A hi Xikwembu lexi *a xi ri kona*, I Xikwembu lexi xi nga *kona*. Kungari leswaku “A Ndzi ri kona” kumbe “Ndzi tava kona,” kambe “HI MINA LOYI A NGA KONA.”

²³ Nakona ntumbuluko hinkwawo wu famba hi ku vuyelela, tani hilaha ndzi nga vula hakona, loko hi vulavula hi Tinguva Ta Kereke ya hina (laha hi nga na tibuku sweswi leti ti nga eku humeni). Ku . . . Hikokwalaho ka yini ndzi . . . hikwalaho ka ku tsala ka mina ka Tinguva Ta Kereke. Ni hilaha hi vonaka hakona Kereke, loko Yi yupfa, yi kula ntsena kukotisa loko ntumbuluko hinkwawo wu swi endla.

²⁴ Nakona a hi ri ekuvulavuleni siku rin’wana hikwalaho ka dyambu leswi rixisaka xiswona na mixo, riva ri ri xihlangi

lexintsongo, ri nga tiyanga, ri ri hava ntamu wo tala eka rona eka hinkwaswo. Kutani tani hiloko masiku yaya ya famba, ri ya ri tiyela, ri tiya. Kwalomu ka awara ya nhungu ri nghena xikolo, tani hi xifanyetana kumbe xinhwenyetana. Kutani kwalomu ka awara ya khume n'we ri humile exikolweni, nakona ri tilulamiserile xikhongelo xa—xa rona. Kutani ri famba ku kondza kwalomu ka awara ya nharhu ri ncinca, eka vutomi byale xikarhi ku ya fika eka ku dyuhala. Kutani ri fa hi ndzhengha. Hi wona makumu ya dyambu xana? Ee. Ri tlhela ri vuya hi mixo lowu landzelaka, ku ta nyika vumbhoni leswaku vutomi byi kona, ku fa, ku lahlawa, ku pfuka. Wa vona? Wa vona?

²⁵ Hi hlalela minsinya, hilaha yi fambisaka xiswona ni leswi yi swi endlaka. Nkarhi wun'wana lowu wu nga hundza a ndzi ri eKentucky, ndzi—ndzi rhandza ku hlota va maxinjani, nakona ndzi yile ekueheleni ka lembe ku ya hlota va maxinjani na munghana wa mina. Nakona i... a ku omile swinene.

²⁶ Kutani un'wana na un'wana loyi a nga hlota maxinjani xa mpun'we, wa switiva leswaku swi tika njhani ku swi fikelela. Loko, ma—ma matluka, ntsena khana rin'we, kutani, oho, Houdini i tuyimbeleri wo baleka wo yelana na—na vanakulorhi lava, hilaha swi nga ta baleka hakona! Kutani ku ringeta ku duvula tihlo eka majarata ya makume ntlhanu, swi lava ku hlota ka kahle ku kuma mpimo wa wena hi siku.

²⁷ Swingaleswi, Nkul. Wood, munghana wa mina, loyi a—a nga hundzuka kusuka eka Jehovah Witness, ari na mina. Nakona hina... U teri, "Ndzi tiva purasi leri ri nga lahaya laha ku nga na munhu loyi a nga na vunyingi bya..." Kwalahaya hi swi vitana, "hollars."

²⁸ I vangani lava va switivaka leswaku *hollar* i yini? Kunene, i xiphemu xihi xa Kentucky lexi u humaka eka xona, hi ndlela yin'wana? Wa vona? Kutani kwalaho hilaha ndzi humaka kona.

²⁹ Tani hilahawani eka yin'wana ya tichaptara, kungari khale ngopfu; a ndzi fanele ndzi swivula leswi eka Makwerhu Williams na vona, vamakwerhu. Va teri, "Sweswi hi ta yima hi yimbelela risimu—risimu ra rixaka."

³⁰ Kutani ndzi ku, "*Eka kaya ra mina ra Kentucky ra khale.*" Swingaleswi ku hava loyi a nga ndzi joyina, swingaleswi... Rero a ri ri rona risimu ra rixaka leri a ndzi ri tiva. Kutani swingaleswi hina hi—hi tano namuntlha...

³¹ Hi swona, nkulukumba. [Makwerhu Branham a nyikiwa xipapilani—Muhleri]: "U komberiwa ku khongelela, manana loyi anga lahawani a humaka mongolo."

A hi khongeleni:

³² Xikwembu lexi rhandzekaka, ndza Ku kombela, Hosi, Wena mu—mu Muhanyisi lonkulu nakona ndzi kombela

tintswalo ta Wena na ntwela vusiwana leswaku swi khumbha wansati loyi wo rhandzeka ntsena sweswi yimisa ngati yaleyo. Tani hi vanhu lava va pfumelaka lava va nga hlengeletana kun'we, manana u tile lahawani ku ta tiphina hi Rito ra Hosi na xinakulobye xa vanhu, kutani ndza Ku kombela, Hosi, ntsena sweswi, ku tshinya nala niku yimisa ngati. Hi Vito ra Yesu Kreste. Amen. (Nakona ha swi pfumela . . . ? . . .)

³³ Ku ya emahlweni na xitorhi nyana leswaku ntsena kuva na matitwele nyana hi nga se ya eka tinotsi nyana leti ndzi nga na tona ti nga tsariwa lahawani, na Matsalwa man'wana.

³⁴ Sweswi u teri, "Kunene, mukhalabya loyi, hi taya hi ya n'wi vona. U na ti dollars to tala endhawini ya yena," a ku, "kambe hi loyi a nga tshembhekangiki." U teri, "Loko . . . Ntsena u hi rhukanile loko hi tava hi yile kwalahaya."

³⁵ Ndzi ku, "Kambe a hi le ku swikumeni va maxinjani lahawani. A hi khempile ku ringana mavhiki mambirhi." Nakona a hi thyakile, na malebvu ya tate xikandza hinkwaxo.

³⁶ Hiloko a ku, "Kunene?"

Ndzi ku, "A hi yi emahlweni."

³⁷ Swingaleswi hi rhelerile timayili tintsongo, kwalomu ka timayile ta makume mbirhi. Ndzi tshame ndzi va kona eka tiko lero ekusunguleni, kuringana vusiku byi nharhu, erivaleni ra khempe ya Methodist laha a kuri na swilo swa kahle leswi Hosi yi nga swi endla, na ku hanyisiwa lokukulu eka xikhongelo exikarhi ka vanhu va Methodist. Kutani hi tlhelela endzhaku eka swiganga swin'wana na ku nghena endleleni na swiganga. Nakona u ta fanela ku tiva Kentucky leswaku u ta switiva, leswaku i ndhawu ya njhani leyi u fanelaka ku kumeka eka yona. Ni loko hi tlhelele endzhaku lahaya hi fika endlwini, kutani kwalahaya ku tshamile mukhalabya, vakhlabya vambirhi, va tshamile kwalahaya na swihuku swa khale leswi a swi voyamile swi pfala swikandza swa vona, kutani—kutani a ku, "Hi loyi," a ku, "hi un'wana wo tikisela." A ku, "U venga rito lero ra 'muchumayeri,'" a vula tano.

³⁸ Swingaleswi ndzi ku, "Kunene, swa antswa ndzi tshama emovheni, kumbe a hi nge pfumeleriwi ku hlota." Ndzi ku, "Famba u ya nghena u n'wi kombela loko hi leswaku hi nga hlota."

³⁹ Swingaleswi u yile a ya nghena a sungula ku vutisa, a vulavula na vona. Nakona a Kentucky, minkarhi hinkwayo, ma swi tiva, i "ku nghena," na kuya emahlweni. Kutani swingaleswi u yile kwalahaya hiloko a ku, "Ntsena ha hlamlala loko hi nga hlota xinkadyana endzhawini ya wena."

⁴⁰ Mukhalabya loyi a tshamile lahaya, kwalomu ka malembe ya makume nkombo ntlhanu hi vukhale, tobakho yi khuluka hi nomo wa yena, a ku . . . a tshwutela, kutani a ku, "U mani vito ra wena xana?"

A ku, "Vito ra mina ndzi Wood."

A ku, "U na vuxaka na mukhalabya Jim loyi a tolloverile ku hanya..."

A ku, "Ina, ndzi jaha ra Jim." Aku, "Hi mina Banks. Ina."

⁴¹ "Kunene," a ku, "mukhalabya Jim ari munhu wo tshembheka." A ku, "Hakunene, tipfuni hi wexe." A ku—ku, "Hi wena u ri wexe xana?"

A ku, "Ee, mufundhisi wa mina u le handle lahaya."

A ku, "Yini?"

A ku, "Mufundhisi wa mina u le handle emovheni," a ku, "u hlotu na mina."

⁴² A ku, "Wood, a wu vuli leswaku u tiyise ehansi ngopfu kufikela laha u fanelaka ku rhwala muchumayeri u famba na yena hinkwako laha u yaka kona xana?"

⁴³ Swingaleswi ari wo tikisela, wa maendlelo ya xikhale, swingaleswi ndzi vuye ndzi ehleketa leswaku ndzi huma emovheni, ma swi tiva. Swingaleswi ndzi huma ndzi jikajika, kutani a ku, "Kunene, kutani u muchumayeri, haa?"

⁴⁴ Ndzi ku, "Ina, nkulukumba." A ndzi doba kusukela ehenhla kuya ehansi; ngati ya vamaxinjani, na thyaka. A ku—a ku...Ndzi ku, "A swi tikombi swi langutekisa xiswona ngopfu."

⁴⁵ A ku, "Kunene, ndzi wa maendlelo yo swirhandza sweswo." A ku, "Wa switiva, ndzi lava ku ku byela swin'wana." A ku, "Ndzi fanerile kuva loyi a nga tshembhekangiki!"

⁴⁶ Ndzi ku, "Hi swona, nkulukumba, ndza swi twisia sweswo." Ndzi ku, "A ndzi nga ehleketi leswaku u nga swi themhendhela, hambi swi ri tano. A hi swona?"

⁴⁷ Kutani a ku, "Kunene," a ku, "A ndzi switivi." A ku, "Ndzi ya eku mi byeleni leswaku ndzi ehleketa yini hi n'wina vanhu ndzi n'wina."

Ndzi ku, "Hi swona."

⁴⁸ A ku, "Mi le ku vukuleni ka nsinya wo hoxeka." Nakona i vangani lava va switivaka leswaku sweswo swivula yini? Wa vona? Swivula leswaku i mbyana ya vunwa, ma swi vona; ximakwa a xi kona lahaya, wa vona. U teri, "U le ku vukuleni ka nsinya wo hoxeka."

Ndzi ku, "Sweswo swo va eka miehleketo."

⁴⁹ Hiloko a ku, "Kunene," a ku, "languta, wa yi vona chimele yaleyo ya khale yi nga yima lahaya?"

"Ina."

⁵⁰ "Ndzi tswaleriwe kwalahaya, makume nkombo-ntlhanu wa malembe lawa ya nga hundza." Kutani a ku, "Ndzi hanyile lahawani eswigangeni leswi, hinkwako, eka malembe lawa

hinkwawo.” Kutani a ku, “Ndzi langutile eswibakabakeni, ndzi langutile lahawani na lahaya, kutani, hakunene, eka hinkwawo malembe lawa ya makume nkombo-ntlhanu, a ndzi tava ndzi vonile xin’wana xo languteka kukotisa Xikwembu. Xana a wu ehleketa swona wena?”

⁵¹ Ndzi ku, “Kunene, swi ya hi ku u langute kwihi, wa vona, kumbe leswi u nga swi langutela.”

⁵² Kutani a ku, “Kunene,” a ku, “A ndzi—ndzi pfumeli leswaku kuna xivumbiwa xo kotisa xexo. Nakona ndzi pfumela leswaku n’wina va nakulorhi mo huma ntsena mi xisetela vanhu eka mali ya vona na hinkwaswo. Kutani yaleyo hi yona ndlela leyi swi fambilisaka xiswona.”

⁵³ Ndzi ku, “Kunene, u muaka tiko wa Amerika, u na nfanelo eka ku ehleketa loku—loku ku nga ka wena.”

⁵⁴ A ku, “Kuna munhu un’wana, nkarhi wun’wana, loyi ndzi nga twa hi ta yena,” a ku, “leswaku ndzi tava na ntayiso... Loko a nga... Loko ndzi nga kumeka ndzi vulavula na nakulorhi yaloye,” a ku “A ndzi ta tsakela ku—ku n’wi vutisa swiyutiso swingari swingani.”

Ndzi ku, “Ina, nkulukumba.”

⁵⁵ A ku, “A ri muchumayeri, swi nga ha endleka mi n’wi tiva.” A ku, “U vile na nhlengeletano ehenhla lahawani eCampbellsville, kungari khale ngopfu, erivaleni ra kereke lahaya, rivala ra khempe.” Hiloko a ku, “Ndzi rivarile vito ra yena.” A ku, “U huma eIndiana.”

Kutani—kutani ndzi ku, “Oho? Ina, nkulukumba.”

⁵⁶ Kutani Makwerhu Wood a sungula ku vula leswaku, “Kunene, ndzi...” (“U nga swi vuli sweswo.”) Kutani swingaleswi a ku...

Ndzi ku, “Ku humelele yini ha yena?”

⁵⁷ A ku, “Kunene,” a ku, “mukhegula...” (un’wana) “ehenhla lahaya exigangeni...” A ku, “Wa swi tiva, a fa hi mfukuzani.” Kutani a ku, “Mina na nsati hi ta gonya hi ya kwalahaya na mixo ku—ku ya n’wi ncincia emubedweni.” A ku, “A va nga swikoti hambi kuri ku swikota ku n’wi pfuxa leswaku va n’wi veka ehenhla ka mubedwa,” a ku, “ntsena a va ta ndlalela xitsi.” Kutani va ku, “U le ku feni. A ri eLouisville, kutani a ku vadokodela va n’wi tshikile va ku u ya ‘eku feni.’”

⁵⁸ “Nakona sesi wa yena u yile eka nhlengeletano yaleyo, a ya ku, ‘Muchumayeri luya a yimile lahaya eka platifomo, u langutile endzhaku eka vayingiseri kutani a vitana wansati loyi hi vito, kutani a n’wi byela leswaku, “Loko a suka, u tekile xidukwana a xi veka endzeni ka xipachi xa—xa yena.” Kutani a vula vito ra wansati loyi ari lahawani, makume mbirhi wa timayili kusuka lahawani, kutani a vula hilaha a xaniseka hi

mfukuzani, hilaha vito ra yena a ri ri hakona, na hinkwaswo leswi ari eka swona; a ku, “Teka xidukwana xexo u famba na xona u ya xitlhandleka ehenhla ka wansati,” kutani a vula leswaku “wansati u ta hanyisiwa eka mfukuzani.””

⁵⁹ Kutani a ku, “Va ta lahawani vusiku byebyo.” A ku, “Hi ntiyiso, ndzi twe ku huwelela ko chavisa ngopfu ehenhla lahaya. A ndzi ehleketa leswaku a vari na Salvation Army leyi yi nga chuchiwa enhlohlhorhini ya xiganga lahaya. A ku, ‘Kunene,’ ndzi ku, ‘Ndza vhumbha leswaku sesi wa mudyuharhi u lovile.’ A ku, ‘Kunene...Mundzuku hi ta famba hi ya teka movha, kutani ni hilaha hi nga ta n’wi tekisa xiswona kuya hi ya kuma patu lerikulu,’ kutani a ku, ‘leswaku va nga ha n’wi yisa eka andatheka.’ Nakona va vula leswaku...Hi rindzerile. A kuna xilaveko xo ya kwalahaya eka nkarhi lowu wa vusiku.” A ku, “Hi kwalomu ka mayile ku gonya lahawani axigangeni.” A ku, “Hi yile kwalahaya mixo lowu a wu landzela, nakona wa swi tiva leswaku ku humelerile yini?”

Ndzi ku, “Ee, nkulukumba.”

⁶⁰ A ku, “Wansati a tshamile lahaya a dya tiphayi to frayiwa ta apula, a ri karhi a nwa kofi, na nuna wa yena.”

Ndzi ku, “U vula tano xana?”

A ku, “Ina, nkulukumba.”

“Oho!” Ndzi ku. “Sweswi, nkulukumba, hakunene a wu vuli swona sweswo.”

⁶¹ A ku, “Lexi xi ndzi karhataka i ku...swi endlekisa ku yini leswaku munhu yaloye, nakona a nga humi kona etikweni leri, kutani a switiva sweswo.” Wa vona?

Kutani ndzi ku, “Oho, a wu swi pfumeli sweswo.”

A ku, “Swi ntuyiso.”

Ndzi ku, “Wa swi pfumela sweswo xana?” Wa vona?

⁶² A—a ku, “Kunene, gonya u ya ehenhla exigangeni, ndzi nga ha ku khorwisa swona.” U le ku ndzi chumayileni sweswi, ma swi vona.

⁶³ Swingaleswi ndzi—ndzi ku, “Ya—ya.” Ndzi tekile apula, kutani—kutani ndzi ku, “Xana ndzi nga teka rin’we eka maapula lawa xana?” Kutani ndzi ri sula hi swiambalo swa mina.

⁶⁴ A ku, “Kunene, mabaji ya xitshopani yale ku ma dyeni, ndza vhumbha leswaku u ngava na rin’we.” Kutani...Kutani sweswi ndzi ku, “Kunene,...” Ndzi—ndzi luma...ndzi ba eka rona, kutani ndzi ku, “Leri i apula ra kahle.”

⁶⁵ A ku, “Oho, ina.” A ku, “Wa tiva leswaku i yini? Ndzi byarile nsinya lowu lahaya, oho, makume mune wa malembe lawa ya nga hundza, kumbe swin’wana swo kotisa sweswo.”

Ndzi ku, "Oho, hi swona sweswo xana?"

"Ina, nkulukumba."

⁶⁶ Hiloko ndzi ku, "Kunene, nakona lembe rin'wana na rin'wana..." Ndzi ku, "Ndzi xiyisisile leswaku a hi se va na gwitsi sweswi, kahari emasunguleni ya Mhawuri." Kutani ndzi ku, "Matluka yale ku zuzekeni eminsinyeni."

⁶⁷ "Ina, nkulukumba. Hi swona sweswo, xi ta emaheleni ya nguva. Ndzi pfumela leswaku hi tava na xin'wana eka lowu nkarhi."

⁶⁸ Ndzi ku, "Ina, nkulukumba." Ndzi ncinka nhloko-mhaka, wa vona. Hiloko a ku... Ndzi ku, "Kunene, ma swi tiva, swa chavisa," ndzi ku, "hilaha sapu ya leyo yi sukisaka xiswona eka nsinya walowo." Ndzi ku, "Na matluka ya kona ya zuzeka, nakona hambi swi ri tano ku hava... va—va hava gwitsi leri nga dlayaka tluka."

⁶⁹ Hiloko a ku, "Kunene," a ku, "sweswo swi fambelana kwahi na leswi hi vulavulaka hi swona?"

⁷⁰ Hiloko ndzi ku, "Kunene, ndza—ndza hlamala." (Ma swi tiva, manana u tala ku vula leswaku, "Nyika homu ntambhu yo ringanelia nakona yi ta tisunga hi yoxe, ma swi tiva." Swingaleswi ntsena ndzi n'wi nyika vunyingi bya tintambhu.)

⁷¹ Swingaleswi u yile emahlweni, kutani a ku, "Kunene, ina, sweswo swi fambelana kwahi na swona?"

⁷² Ndzi ku, "Wa swi vona, Xikwembu hi xona xi tisaka maapula, nakona wa tiphina hi maapula lawa na matluka, nakona u tshama e—e ndzhutini na kuya emahlweni. Wu ya ehansi emahelweni ya nguva ya lembe nakona," ndzi ku, "wu tlhela wu vuya nakambe na maapula na matluka nakambe."

⁷³ Hiloko a ku, "Oho, walowo wo va ntsena ntumbuluko. Wa vona, walowo wo va ntsena ntumbuluko."

⁷⁴ Ndzi ku, "Kunene, hakunene, ntsena walowo i ntumbuluku." Ndzi ku, "Wa lowo i ntumbuluko, kambe Un'wana u ta fanela ku lawula ntumbuluko." Wa vona, mina... a ku... "U ndzi byela leswaku i yini xi endlaka sweswo?"

⁷⁵ Hiloko a ku, "Kunene, kova ntsena—ntsena ntumbuluko wa ntumbuluko."

⁷⁶ Ndzi ku, "I ncini lexi xi vulaka eka xitlukani xexo sweswi, kutani na...?" Ndzi ku, "Sweswi, xivangelo xa kuva tluka rizuzeka, swi hikokwalaho ka sapu yi yaka ehansi erimintswini. Nakona a ku ta humelela yini eka sapu yaleyo loko yi nga tshama ehenhla ensinyeni hi nkarhi wa xixika? Ku nga humelela yini xana?"

⁷⁷ A ku, "Yi ta dlaya nsinya."

⁷⁸ "Kunene," ndzi ku, "sweswi, i vutlharhi byihi lebyi tsutsumisaka sapu yaleyo yi ya ehansi etimintswini, yi ku,

'Huma sweswi lahawani, ku ta ku hela ka nguva ya lembe, yana ehansi atimintswini u ya tumbela'? Nakona u tshama ehansi etimintswini kukotisa sirha; nakona hi ximun'wana lexi xi taka yi tlhela yi vuya nakambe, wu tswala maapula yo tala, wu tlhela wu tisa matluka yo tala na swin'wana."

⁷⁹ A ku, "Walowo wo va ntsena ntumbuluko, wu ta swi endla." A ku, "Maxelo! Ku ncinka, ma swi tiva, ku ta hi ku hela ka nguva."

⁸⁰ Ndzi ku, "Vekela bakiti ra mati emhandini lahaya, kutani u vona loko ntumbuluko wu yi tsutsumisa yi ya ehansi ehansi-hansi ka mhandhi ni kuva wu tlhelela wu yi vuyisela ehenhla nakambe. Wa vona?" Wa vona?

"Kunene," u teri, "u nga hava u ri na swin'wana."

Ndzi ku, "Ehleketa ha swona loko ha ha ya ekuhloteni."

Hiloko a ku, "Kunene," hiloko a ku, "hlota laha u ku lavaka."

⁸¹ Kutani ndzi ku, "Loko ndzi vuya, loko u nga ndzi byela leswaku hi byihi vutlharhi lebyi byi tsutsumisaka sapu ensinyeni walowo kuya ehansi etimintswini, ku ya tshama xixika hinkwaxo ni kuva yi tlhela yi vuya hi xixika lexi xi landzelaka, ndzi ta ku byela leswaku bya ha ri Vutlharhi byin'we ni lebyi byi nga ndzi byela hi wansati luya a ri ehenhla lahaya."

A ku, "Byi ku byela?"

Ndzi ku, "Ina, nkulukumba."

A ku, "A wu yena muchumayeri luya!"

Ndzi ku, "Wa swi lava ku tiva vito ra yena xana?"

A ku, "Ina."

Ndzi ku, "Branham?"

A ku, "Yaloye hi yena."

Ndzi ku, "Sweswo—sweswo hi swona." Wa vona?

⁸² Nakona wa swi tiva leswaku i yini? Ndzi yisile mukhalabya eka Kreste, kona kwalahaya hi vumbhoni lebyi byi nga bya yena n'winyi.

⁸³ Nakona endzhaku ka lembe a ndzi ri kwalahaya ndzi ri karhi ndzi koka movha (yi ri na layisense ya Indiana eka yona) ejarateni. A va rhurhile, a lovile. Kutani swingaleswi loko ndzi vuya, kwalahaya a ku yimile nsati wa yena leswaku a ta ndzi harika; a ndzi ehleketa leswaku ndzi na mpfumelelo wo hlota. Hiloko a huma kwalahaya, a ku, "A wu swikoti ku hlaya xana?"

⁸⁴ Ndzi ku, "Ina, manana." A ku, "A wu tivoni tisayini leti leswaku ti ri 'A Kuhlotiwi!'"?

⁸⁵ Ndzi ku, "Ina, manana, kambe," ndzi ku, "Ndzi—ndzi na mpfumelelo."

⁸⁶ “A wu na mpfumelelo!” a vula tano. Kutani a ku, “Hi kume ndhawu—ndhawu leyi yi damarhetiwile ku ringana malembe yo tala.”

⁸⁷ Ndzi ku, “Kunene, sesi, a ndzi—ndzi hoxile kwalaho, ndzi khomele.”

⁸⁸ Kutani a ku, “Ku khomeriwa ka yini! Na layisense ya kona ya Indiana leyi yi nga kwalaho, na ku tshama lahwani, mi vanhu vo tikukumuxa!”

Ndzi ku, “Xana ndzi nga yi hlamusela xana?” Ndzi ku . . .

A ku, “I mani a nga ku nyika mpfumelelo xana?”

⁸⁹ Ndzi ku, “A ndzi switivi ntsena . . .” Ndzi ku, “A kuri wanuna un’wana wa mukhalabya loyi a tshame lahaya erikupakupeni, loko ndzi ri lahwani lembe leri ri nga hundza, nakona a hi ri ekuvulavuleni hi Xikwembu.” Wa vona?

Hiloko a languta, a ku, “Hi wena Makwerhu Branham xana?”

Hiloko ndzi ku, “Ina, manana.”

⁹⁰ A ku, “Ndzi rivaleli. A ndzi nga ku tivi leswaku u mani.” A ku, “Ndzi lava ku ku byela vumbboni bya yena. Eka tiawara to hetelela ta yena to fa, u yimiserive mavoko ya yena ehenhla a dzunisa Xikwembu.” A ku, “U fele eka ripfumelo ra Xikreste, nakona u rhwariwile a ya eka Xikwembu.” Wa vona?

⁹¹ “Loko va nga miyela, maribye xikan’we–kan’we ma nga huwelela.” Kuna swin’wana eka ntumbuluko.

⁹² Hlalelani swinyenyani, hlalelani swiharhi, hlalelani hinkwaswo, nakona mi hlalela ntumbuluko.

⁹³ Hlalelani xituvani hilaha xi hahaka hakona. Hilaha a nga xinyenyani lexi xi hambarake hakona, wa vona. A—a nga kalanga a va na nyongwa, a nge swikoti kudyisa leswi vukuvuku ri dyisaka xiswona. Wa vona? Kuhava nyongwa eka yena. A nga kali a hlamba e—e—e matini, hikuva u na swin’wana endzeni ka yena; swi n’wi basisaka kusuka endzeni kuya ehandle, ma swi vona.

⁹⁴ Yaleylo hi yona ndlela leyi yi nga hakona na Mukreste. Yaleylo hi yona ndlela leyi Xikwembu xi tiyimeleke ha yona xona hi Xoxe, eka—eka—eka tuva. Wa vona, hikuva . . . nakona . . . Yesu u yimeriwile tani hi Xinyimpfana. Minkarhi hinkwayo eka ntumbuluko mi ta kuma Xikwembu. Nakona Xikwembu xi hi fananisa na tinyimpfu leti ti fanelaka ku rhangeriwa. Xana mi kale mi swi xiyisia lahaya, ndzi chumayerile nchumayelo ha swona nkarhi lowu wu nga hundza? Leswaku Tuva ri xikela ehansi eka Xinyimpfana, ku ta rhangela Xinyimpfana, nakona Ri N’wi rhangerile kuya eku dlayiweni. Tu—tu—tu Tuva! Sweswi, loko Xinyimpfana xexo . . . Tuva lero a ri swikotanga ku xikela ehenhleni

ka muxaka wun'wana na wun'wana wa xiharhi, hikuva havumbirhi swi fanele kuva eka ntumbuluko wun'we. Wa vona? Loko Tuva a ri nga endlanga ku vonakala ehenhleni ka hlolwa, nakona loko a lo kombisa ku vilela kumbe ku gungula, Tuva a ri tava Ri ti haherile.

⁹⁵ Kunene, sweswo swa ha fana na sweswi. Na tindlela ta hina to vabya, Moya lowo Kwetsima ntsena Wa haha wu famba. Wu fanele kuva na ntumbuluko wo fana. Xinyenyana xa Matilo, tuva; xiharhi xo titsongahata emisaveni, xinyimpfana; swi nga ha twanana kun'we. Kutani loko Moya lowo Kwetsima wu ta ehenhleni ka hina kutani wu hi endla swivumbiwa leswintshwa, swingaleswi A nga ha hi rhangela. Kambe hi le ku ringetenka ku hanya vutomi byo fana bya khale, swi ngaka swi nga tirhi! Ntsena swi ngaka swi nga tirhi.

⁹⁶ Sweswi, goza ro sungula leri mi nga tshama mi ri teka evuton'wini bya n'wina, i ku vulavula hi vurhangeri, hakanyingi i mavoko ya *manana* un'wana wa mudyuharhi. Mavoko ya vona ya nga hava ya ri kona vusiku lebyi, kun'wana lahwani eswilahlweni, kambe lero i voko leri ri nga mi khomelela loko mi deya ro sungula.

⁹⁷ Kutani endzhaku kaloko manana a mi dyondzisile ku famba, kutani u ta tlhava magoza mangari mangani u wa, u tlhela u pfuka, nakona u anakanya leswaku u endla swilo swa kahle, kutani a ku yisa eka *mudyondzi wa xikolo*. Kutani a sungula ku kurhangela eka dyondzo; leswi u bohekaka ku swi endlisa xiswona, ni hilaha u bohekaka ku dyondza hakona, na—na kuya emahlweni tani hi sweswo.

⁹⁸ Kutani endzhaku kaloko mudyondzisi wa xikolo loko a hetile hi wena, kutani u tlhelela endzhaku, *tatana* wa wena a fika a ku khoma. Kutani loko tatana wa wena a tava a ku khomile, a ku dyondzisa kumbexani bindzu ra wena; leswaku u nga humelela njhani ebindzwini ra wena, leswaku swilo u nga swi endla kahle njhani. Manana wa wena u ku dyondzisile leswaku u—u nga va wansati wa muti njhani, na ku sweka, na kuya emahlweni tani hi sweswo.

⁹⁹ Kutani endzhaku kaloko va hetile hi wena, kutani ku ta *muministara* wa wena kumbe *muprista* a ku khoma.

¹⁰⁰ Kambe *sweswi* i mani loyi a ku fambisaka? Hi xexo xivutiso sweswi. Sweswi, hinkwerhu ka hina hi fambisiwa hi swin'wana vusiku lebyi. Hi fanerile kuva tano. Ha fambisiwa. Lemukani!

¹⁰¹ Sweswi a hi tekeni nakulorhi loyi lontsongo...leswi swi nga n'wi nkucetela. A hi languteni eka...jaha leriwani ra n'wa-mabindzu hi ta n'wi vitanisa xisweswo, hikuva ari n'wa-mabindzu wa xinuna. A ri munhu loyi a nga humelela swinene. A hi languteni varhangeri va yena.

¹⁰² Kumbexani, xosungula, manana wa yena a nga hava a n'wi dyondzisile loko a ha ri jaha lerintsongo swilo leswi a fanelaka ku swi endla. Tatana wa yena u n'wi endlile a va munhu wa kahle wo humelela wo kotisa yaloye, kumbexani u n'wi siye na—u n'wi siye na ndzhaka, hikuva ari mufumi hi yexe; kumbexana tatana wa yena a fambile, swingaleswi a ri—ri n'wa-mabindzu. A ri...A hi n'wi thyeni, namuntlha, kukotisa n'wa-mabindzu wa Mukreste; kumbe, a ri n'wa-mabindzu loyi a khongela, ndzi ehleketa leswaku kutava kuri ntshaho wo antswa.

¹⁰³ Wanuna loyi a ri mukhongeri, a ngari yena loyi a nga tshembhekangiki. Nakona a dyondzisiwile hi manana wa yena ku endla leswinene, mafambelo, niku tiambexa yena hi yexe. U dyondzisiwile hi tatana wa yena, bindzu ra kahle, ni leswaku a nga humelela njhani; nakona bindzu ra yena a ri ri leri ri nga humelela. Kutani tatana na manana a vari lava va nga kulela ekerekeni, na kuva a hlawuriwile kuva muprista. Nakona vuprista byi n'wi endlile leswaku a va munhu loyi a khongelaka. Swingaleswi ari munhu wa kahle wa ndhavuko, ari jaha ra kahle na vumunhu bya kahle.

¹⁰⁴ Loko Yesu Kreste a n'wi languta kutani a n'wi rhandza, a kuri na swin'wana hi jaha leri swa nkoka. Hi swona. Hikuva Bibele ya vula lahwani, hi swi kuma eka Marka, "Kutani Yesu a n'wi navela, a n'wi rhandza." Ina, "Yesu a n'wi navela, a n'wi rhandza." Swingaleswi ku boheka kuva na swin'wana swa nkoka leswi a swi kombeta swi hetisekile hi nakulorhi loyi lontsongo. A ri...a ri na vumunhu bya kahle, na ku hlayela vumunhu bya kahle. A ri munhu loyi a nga kurisiwa kahle; a tlharihile, wa vutlharhi, wa mano, muhumeleri eka bindzu, nakona ari munhu loyi a khongelaka. A ri na vumunhu byo tala lebyi a byi kombisa, swinene ku kondza byi koka rinoko ra Yesu Kreste Muponisi. Kambe loko a tava a tshuneleriwile, kuva a humelerile eka hinkwaswo swilo leswin'wana...

¹⁰⁵ Kuhava lexi a xihokekile; a ri munhu loyi a nga tswariwa ari kahle, a kula kahle, a tlharihile, ari na dyondzo ya kahle, a humelela, a tlharihile, n'wa-mabindzu wa kahle, nkarhi wun'wana ari wa ntawa wun'wana wa va n'wa-mabindzu kun'wana kwalahaya Palestina. A nga hava a ri wa xinakulobye xa va n'wa-mabindzu kukotisa hilaha hi nga na kona lahwani vusiku lebyi, a swikanakanisi leswaku u swi endlile, hikuva va n'wa-mabindzu minkarhi hinkwayo va na xinakulobye eka van'wana, un'wana eka un'wana.

¹⁰⁶ Hikuva ntsena swikotisa "swinyenyana swa tisiva to fana," swi na leswi swi nga vulavulaka hi swona. Nakona loko leswi...Vavanuna lava va khongelaka, a va swilavi ku vulavula hi munhu loyi a fambisaka thavhene...hinkwavo ka vona kun'we, hikuva va hava na nchumu wun'we lowu va

hlanganaka eka wona. Na hina hi fanele kuva na nchumu lowu hi hlanganaka eka wona. Swingaleswi Vakreste va na swilo leswi va hlanganaka eka swona na Vakreste kuloni; vadyohi va na swilo leswi va hlanganaka eka swona na—na vadyohi kuloni; na—na tisosayiti, na swin'wana leswi swi nga vaka kona, va na leswi va hlanganaka eka swona. Kutani jaha leri lerintsongo nkarhi wun'wana a ri wela eka—eka xinakulobye xa va n'wa-mabindzu.

¹⁰⁷ Kutani ari mukhongeri tani hilaha a nga vaka hakona, hikuva Yesu, eka kuva a n'wi vutisa lahawani, u teri, "Ndzi hlayisile milawu leyi, ndzi yi hlayisile kusuka evunshweni bya mina." Hi swona sweswo.

¹⁰⁸ Wa vona, u kurisiwe kahle, a dyondzisiwa kahle, na hinkwaswo. Kambe loko a tava a tshuneleriwile hi—hi miehleketo ya Vutomi lebyi nga Heriki... Sweswi ndzi mi lava leswaku mi lemuka, na hinkwabyo vumunhu lebyi a ri na byona, a switiva hambi swi ri tano leswaku a nga na byona Vutomi lebyi nga Heriki.

¹⁰⁹ Sweswi, hinkwato tisosayiti ta hina, kereke ya hina, vuxirho bya hina na swilo leswi hi swi rhandzaka hi nga khomelela eka swona, tisosayiti ta hina ta Amerika, na hinkwaswo, swi kahle, kuhava lexi xi nga vuriwaka xo lwisana na sweswo. Na sosayiti ya hina ya Christian Business Men lahawani, i nchumu wa kahle, a yi ri ku pfuleka ka nyangwa wa mina wo... eka mianakanyo ya mina ya nhlanganyelo wa tidinominexini leti "hi nga Vakreste."

¹¹⁰ Kuhava na yin'we (kuhava na dinominexini na yin'we) yi nga koxaka eka hina, leswaku i Mukreste wa ntiyiso, hikuva u ri wa Xikwembu. Tidinominexini ti endliwile hi vanhu, kutani Vukreste hi lebyi byi nga vekihi hi Tilo. Kambe eka hinkwaswo swilo leswi hi nga na swona, tani hilaha swi nga kahle tani hilaha swi nga hakona, tani hilaha hi hlanganyelaka kun'we kahle, na tinhlengeletano ta hina ta kahle tani hilaha hi nga na tona, naku twisia ka hina ko tiphina loku hi nga na kona, hambi swi ri tano un'wana na un'wana u tshuneleriwa hi *Vutomi lebyi nga Heriki*. Nakona swi nga khatheleki leswaku hi humelele njhani eka bindzu ra hina, hi humelele njhani, ni leswaku hi xirho xa kereke lexikulu njhani, ni hilaha hi tirhaka hakona, hilaha hi ringetaka ku endla swilo kahle, hambi swi ri tano, loko swi nga endliwi hi ndlela leyinene, i ku gandzela Xikwembu hi swa hava.

¹¹¹ Yesu u swi xakahate kufana sweswo, tani hiloko ndzi yima nyana lahawani xinkadyana. U teri, "Mi Ndzi gandzela hi swa hava, mi dyondzisa tidyondzo leti ti nga ku lerisa ka vanhu." Sweswi ehleketa! Ko tshembheka, ku gandzela loku ku lulameke (na ku tshembheka ka mbilu ya wena) eka Xikwembu, nakona hambi swi ri tano kahari ka hava!

Kusungula hi ndlela yaleyo na Kayini, eNtangeni wa Eden. Ku gandzela ko tshembheka, kambe ku aleriwile! Vukhongeri lebyi fanaka, hambi swi ri tano byi aleriwile!

¹¹² EShreveport vhiki leri nga hundza, vhiki ra tolweni, eka nhlengeletano ya Business Men, eka ku fihlula kwalahaya laha madzana-dzana yo hlaya ya vanhu a ya hlenglestanile, ndzi tekile timbirhi na hafu wa tiawara ndzi ri karhi ndzi vulavula hi: *Ku Endlela Xikwembu Ntirho Ku Ngari Hi Ku Rhandza Ka Xikwembu*. Sweswi, sweswo swi twakala swi chavisa, kambe hi fanele hi tichanelia hi hexe eka chanele leyi yi nga nyika hi Xikwembu yo swi endla. A swi na mhaka ni leswaku hi ehleketa leswaku swi kahle ku fika kwihi, swi fanele kuya hi Rito ra Hosi kumbe swi ri swa hava. Kayini a gandzela, kambe a kungari kuya hi Rito ra Hosi. Vafarisi a va gandzela na vona, kambe kungari ku ya hi Rito ra Hosi. Kutani eka hungu ra muxaka lowu eka ma Business Men, ndzi swi dyondzisile leswi.

¹¹³ Davida, u lavile ku tirthela Hosi ntirho, nakona ari na ntiyiso eka leswi a swivula. U teri, “Swikahle leswaku areka ya Hosi yi va ehansi lahaya? A hi yi vuyiseni lahawani.” Emasikwini ya hosi, loko yi tava yi pfarile hosi yin’wana. U teri, “A swilulamanga. A va kalanga va tihlanganisa na Hosi hi ta areka, kambe hi boheka ku swi endla.” Sweswi, sweswo hi swona, leswi a va fanerile ku swi endla. U teri, “Hi fanele ku famba hi ya teka areka, nakona hi nga tihlanganisa na Hosi.” Nakona sweswo hi swona, a yi ri etikweni rin’wana. A ku, “Hi fanelia ku yi vuyisa lahawani. Hi yi tisa lahawani hi yi veka endlwini ya hina lahawani, kutani hi gandzela Hosi.”

¹¹⁴ Sweswi lemukani u famba hi chanele leyi yi nga hoxeka yo swi endla. U tihlanganisile na tindhuna ta makume ntlhanu na madzana-dzana na magidi-gidi. Hinkwavo ku tihlanganisiwile na vona, un’wana na un’wana. Ari karhi a vula leswaku a kuri ku rhandza ka Hosi, a swi tikombisa swona, kumbe a kuri—ri Rito ra Hosi.

¹¹⁵ Rito ra Hosi, minkarhi yin’wana, u fanele ku Ri vekela eka ndhawu ya Rona leyi yi nga kahle kumbe kungari ku Rhandza ka Hosi. Wa vona? Sweswi mi nge sweswo swi nwelela swi nghena nakona mi ta kuma ma—ma mavonelo yan’wana na yan’wana ya leswi ndzi ringetaka ku swi vula.

¹¹⁶ A ndzi swilavi leswaku kereke yi wela eswitepisini leswi mi nga swi kuma lahaya eEngland: misisi yo leha, na vavanuna va swikandza leswi swi pendikeke, na ku encenyeta. A hi swilavi sweswo! A swi na mhaka ni leswaku swi twakala swi ri swa vukhongeri njhani, ni leswaku Elvis Presley u yimbelela ku fika kwihi tinsimu ta vukhongeri, hambi swi ri tano wa hari javulosi. Nakona a ndzo va muavanyisi, kambe “Hi mihandzu

ya vona mi tava tiva." Wa vona? I wa Pentekostal, kambe sweswo a swikali swi endla ku hambana. Wa vona, mihadzu ya n'wina yi vula vumbhoni bya leswi mi nga xiswona.

¹¹⁷ A swi na mhaka ni loko Moya wu ta ehenhleni ka yena, a nga ha vulavula hi tindzimi, a nga ha huwelela, a nga ha hanyisa vavabyi, nakona Yesu u teri, "Votala va vona va ta ta eka Mina hi siku lero, va ku, 'Hosi, xana a ndzi endlangi *leswi* na *sweswo* xana?" Kutani Ndzi ta ku, 'Sukani eka Mina, n'wina vatirhi va leswo biha, a Ndzi kalanga ndzi mi tiva hambi kuri ku mi tiva.'" Wa vona?

¹¹⁸ Hi fanele kuva lavanene, Vakreste va xiviri, nakona ndlela yin'we ntsena hi nga yi endlaka i ku byi tshunelela na xivutiso lexi xi nga lahwani xa "Vutomi lebyi nga Heriki."

¹¹⁹ Ku na xivumbeko xin'we ntsena xa Vutomi lebyi nga Heriki, nakona hi lebyi byi humaka eka Xikwembu. Nakona Xi hlawurile khale xivumbiwa xin'wana na xin'wana lexi xi nga ta tshama na Byona. Kukotisa n'wina loko ma hari mbewu eka tatana wa n'wina, a mi ri mbewu eka Xikwembu; xin'wana xa swihlawulekiso swa Xona kusungula hi swona, kumbe a mi tava mi ngari kona Lahaya. Mi humelerile hi bede ya misava ya manana wa n'wina; tatana wa n'wina a nga mi tivi, a miri eswisutini swa yena. Kutani loko mi tava mi humelerile hi bede ya misava ya manana wa n'wina, kutani mi vile xivumbiwa xa ximunhu nakona mi endliliwa hi xivumbeko xa tatana wa n'wina, sweswi mi nga hava na xinakulobye na yena. Na swo fanana ha Xikwembu, loko mi ri na Vutomi lebyi nga Heriki.

¹²⁰ Vutomi lebyi u nga nghena eka byona, vutomi bya ntumbuluko, vutomi bya xinyama, lebyi byi humaka eka tatana wa wena. Nakona ndlela yin'we ntsena leyi u nga ta ka ha yona i ku tswariwa ra vumbirhi, hi yona ndlela yi ri yoxe, a hi swona leswaku yi fanele ku ta hi Tatana wa wena wa le Matilweni, swihlawulekiso swa Yena. "Hinkwaswo leswi Tatana a nga Ndzi nyika swona swi ta ta eka Mina." Wa vona?

¹²¹ Mi lahwani hikuva vito ra n'wina ri vekiwile eBukwini ya Vutomi ya Xinyimpfana ku nga se tshama kuva na masungulo ya misava. Sweswo hi swona hakunene. Mi mbewu, mbewu ya ximoya leyi yi humaka eka Tatana wa n'wina wa le Matilweni, xiphemu xa Rito ra Xikwembu. Sweswo a swive tano, tani hilaha ndzi vuleke, kutani a mi ri na Yesu loko Yena a ha ri lahwani hikuva Yena *ari* Rito: mi xanisekile na Yena, mi fa na Yena, mi lahliwa na Yena, mi tlhela mi pfuka na Yena ekufeni, kutani sweswi hi tshamile etindhawini tale Matilweni *eka* Yena!

¹²² Lemukani, Davida a ehleketa leswaku hinkwaswo swi kahle, nakona u tihanganisile na vanhu lava hinkwavo, nakona un'wana na un'wana u sungurile ku cina na ku huwelela na ku tlhava mukhos. A vari na nyanyuko hinkwawo wa vukhongeri lowu a vari na wona, kambe hambi swi ri tano

a ku ngari ku rhandza ka Xikwembu kurhelela ku ya teka Rito ra Xikwembu ri vuyerisewela endlwini ya Xikwembu. Kambe, ma swi vona, Xikwembu minkarhi hinkwayo (eka tinguva hinkwato) xi tirha hi ndlela yin'we. Xiboho xa Xona xo sungula a xi ri xona ntsena xiboho xa Xona, hikuva Xi hetisekile eka swiboho swa Xona. A Xi kali xi endla nchumu handle kaloko Xi nga sungula hi ku swipaluxela malandza ya Xona, ku nga vaprofeta. Hi swona sweswo hakunene.

¹²³ Sweswo hi swona swi endlaka leswaku leyi, nguva ya kereke leyi hi hanyaka eka yona. Kuhava kereke, kuhava Methodist, Baptist, Mapentekostal, kumbe tin'wana, ti nga tshama ti veka Kereke leyi eka Mutekiwa. Ku fanele kuri hi ku hlamula ka Malakiya 4, kuva Xikwembu xi rhumela muprofeta ku ta paluxiwa eka yona, hikuva yaleyo hi yona ndlela yi ri yoxe. Tikereke ta hina ta tikondletela niku hoxa nchumu ethyakeni nale nhulwini, ntsena kukotisa hilaha va nga tano minkarhi hinkwayo, nakona Xikwembu minkarhi hinkwayo xirhumela vaprofeta.

¹²⁴ Nakona a kuri na Nathan a yimile etikweni, muprofeta loyi a tiyisisiweke emahlweni ka Xikwembu, nakona a nga kalanga a tihanganisa na yena.

¹²⁵ Kutani va rhelerile ehansi lahaya kutani va ya lovisa vutomi bya munhu wo tshembheka, na kuya emahlweni, kutani va teka areka. Ematshan'wini ya kuva va yi tlhandleka emakatleni ya Valevi, leswaku va yi rhwala, va yi tlhandlekile eka xikocikara leswaku xi yi rhwala. Xikan'we-kar'we va va va hupile!

¹²⁶ Ma swi vona, loko u nga fambi kuya hi—hi ku rhandza ka Xikwembu, ni hi ndlela leyi Xikwembu xi nga hi nyika yona leswaku hi famba ha yona, minkarhi hinkwayo va Ri hupa niku Ri yisa eka nhlangano wun'wana, dinominexini, hungu rin'wana, nakona lahaya ma ya. Wa vona? Minkarhi hinkwayo swi endllekisa xiswona.

¹²⁷ Walowo wa hari nchumu wun'we lowu jaha leri ri nga tshuneleriwa hi wona. U nghanile; a ri xirho xa—xa—xa kumbexani xa Vafarisi kumbe Vasaduki, kumbe xileriso xin'wana lexikulu xa siku lero. A ri mukhongeri tani hilaha a ngavaka tano. A ku, “Ndzi yi hlaysile milawu leyi ndzi nga dyondzisiwa, kusukela loko ndza hari muntshwa.” Wa vona? Kutani Yesu a n'wi rhandzela swona. Kambe u arile ku kombiwa ndlela, u arile ku amukela vurhangeri lebyi hetisekeke bya Yesu Kreste lebyi nga ta n'wi nyika Vutomi lebyi nga Heriki.

¹²⁸ Lemukani, a pfumela leswaku ku na swin'wana leswi hambaneke kutlula leswi ari na swona, kumbe a tava a nga vulanga leswaku, “Mufundhisi Lonene, xana ndzi boheka ku endla yini sweswi?”

¹²⁹ Wa vona, u lavile ku tiendlela swin'wana hi yexe. Yaleyo i ndlela leyi hi yi endlaka, hi lava ku tiendlela swin'wana hi hexe. Nyiko ya Xikwembu i nyiko ya mahala. Xikwembu xi mi nyike Yona, a wu endli nchumu ha Yona. Xi Yi hlawulele n'wina, nakona mi tava na Yona. Wa vona?

¹³⁰ Lemukani, a switiva leswaku Yi kona. A pfumela eka Yona niku Yi lava. Kambe loko a tava a tshuneleriwile na yona hilaha a fanele ku yi tirhisa, a yi hambanile na gandzelo ra yena. A yi hambanile. A nga ha khomelela mali ya yena ni kuya emahlweni niku nghena kereke leyi a yi nghenaka, na kuya emahlweni. Kambe Yesu a switiva sweswo, ni ku switiva leswaku u hlayisile mali leyi, kutani A ku, "Famba u ya xavisa hinkwaswo leswi u nga na swona, kutani u swi nyika swisiwana. Kutani u ta, u teka xihambano xa wena u Ndzi landza, kutani u tava na xuma eTilweni." Kambe a nga ta swikota ku swi endla.

¹³¹ Varhangeri van'wana lava a ngava na vona emasikwini ya yena ya vuntshwa, va vile na nkucetelo wo kotisa walowo eka yena ku fikela laha a alaka ku amukela Ndlela leyi yi nga nyikiwa hi Xikwembu, leyi a kuri Yesu Kreste; yena ari Yexe loyi a nga khoma Vutomi lebyi nga Heriki, yena ari Yexe loyi a nga mi nyikaka Byona. Kungari hi leswaku kereke yi nga mi nyika Vutomi lebyi nga Heriki; kungari makhelwani wa n'wina; kungari mufundhisi wa n'wina; kungari muprista wa n'wina; kungari mukhuva wa n'wina; Yesu Kreste yena hi Yexe ntsena a nga mi nyikaka Vutomi lebyi nga Heriki. Hi Yena . . .

¹³² A swi na mhaka ni leswaku u kahle ku fika kwihi, leswi u swi tshikaka ku swi endla, leswi u swi sungulaka ku swi endla, u fanele ku amukela *Munhu* wa Hosi Yesu Kreste. Kutani loko u swi endla sweswo, hi Yena Rito, nakona vutomi bya wena bya ringanelia kahle eka Rito nakona Ra tivonakarisa rona hi Roxe eka nguva leyi u hanyaka eka yona.

¹³³ Nowa a fanele hi ku swi endla sweswo hikwalaho ka Rito leswaku rivonakarisiwa eka nguva ya yena. Sweswi, ku nga humelela yini loko Muxe a ta, a ku, "Hi tiva leswi Nowa a nga swi endla, hi ta teka rito ra Nowa. Hi ta swi endlisa ku ya hi leswi Nowa a nga swi endlisa xiswona. Hi ta—ta aka ngalava hi papamala eNambyeni wa Nile, kutani hi huma eEgipta"? Hikokwalaho ka yini, swi ngaka swi nga tirhi. Wa vona, yaleyo a yi ri nguva yin'wana.

¹³⁴ Yesu a nga ta swikota kuta na hungu ra Muxe; Luther a nga ta swikota kuta na hungu ra Khatholiki; Wesley a nga ta swikota ku ta na hungu ra Luther; Pentekost a yi nga ta swikota kuta na hungu ra nguva ya Wesley. Nakona Mutekiwa a ngaka a nga yumbiwi eka dinominexini ya Pentekostal, swi ngaka swi nga endleki. Nakona sweswo hi swona. Yi ti kondleterile yi tlhela yi huma lahawani, nakona yi tshamile

lahaya, ntsena kukotisa hi vunyingi bya letin'wana. Tova ntsena xikamba. Ntsena tani hi vutomi loko byi ta hi...Wa vona?

¹³⁵ Mutsari yaloye, tani hilaha ndzi nga vula vusiku byin'wana, mutsari yaloye a nga tsala buku leyi...Nakona kungari hi leswaku u ndzi sandze ngopfu, a vula leswaku ndzi "javulosi, loko kuri na nchumu wo kotisa walowo." Swingaleswi u vule leswaku a nga pfumeli eka Xikwembu. U teri, "Xikwembu lexi xi nga khondlaka mavoko ya Xona ni ku tshama ehenhla xi hlalela ku xanisiwa ka vakwetsimi, eka tinguva ta khale, nakona xikoxa leswaku xi na matimba yo pfula Lwandle ro Tshwuka, niku pfumelela vavasati na vana va handzuriwa va va swiphemu hi tinghala na kuya emahlweni, nakona xi tlhela xi vula leswaku hi Xona Xikwembu lexi xi rhandzaka." A ku, "Kuhava xivumbiwa xa muxaka walowo." Wa vona, nakulorhi, a ngari na nhlohlotelolo wa Rito, u hlulekile ku Ri vona.

¹³⁶ Ndoho yo sungula ya koroni, ku nga Muteki, a fanele ku wela emisaveni leswaku a ta tlhela a pfuka nakambe. Swingaleswi swi endleke nile ka Mutekiwa wo sungula loyi a nga tswaleriwa ePentekosta a fanele ku famba eka Tinguva ta Munyama kukotisa mbewu yin'wana na yin'wana, yi lahliwa. A va fanele ku fa. A va boheka ku swi endla. Kambe swi sungule ku pfelela nakambe eka Luther, eka rhifomexini yo sungula. A swi kalanga swi languteka kukotisa mbewu leyi yi nga nghena ehansi, kambe a kuri Layiti ya siku lero. Ku...?...xinsinya xi ya ehenhla eka xichocho, Wesley. Kutani kusuka eka xichocho ku yile eka Pentekost, ku nga xikamba.

¹³⁷ Loko mi swivona eka koroni, loko swi humelela, ndoho ya koroni, munhu loyi a kurisaka koroni, mi ya mi ya vona xivumbeko xa koroni lahaya, yi languteka swinene kufana na ndoho. Kambe loko u nga teka thwiza u tshama ehansi kutani u teka koroni ya leyo u yi vandla, u ta kuma kuri hava ndoho kwalahaya. Yo va ntsena xikamba. Kutani ku landzela yini? Ya—ya vumbeka kwalahaya, ku khomelela mbewu. Wa vona? Kutani, xosungula mi xitivaka, vutomi bya suka eka—eka—eka xinsinya byiya eka xichocho; byi siya xichocho byi ya eka xikamba; byi siya xikamba byi ya eka koroni. I swiga swinharhu, wa vona, swa yona. Kutani yi vumba Koroni *ehandle* *ehandle* ka swiga swinharhu (Luther, Wesley, Pentekost). Ntsena kufana. Wa vona, a swikanakanisi. A wu nge swikoti ku kavanyeta ntumbuluko.

¹³⁸ Sweswi langutani, malembe manharhu yan'wana na yan'wana endzhaku ka hungu leri ri nga famba ri ya emahlweni ri suka eka Xikwembu, va tikondletela. Leri ri na makume mbirhi wa malembe, nakona a kuna nhlangano.

A wu ngevi kona. Wa vona? Sweswi xikamba xi fanele ku tlhorheleka, xi nyika Koroni nkarhi wa ku pavalala emahlweni ka N'wana, leswaku yi ta vupfa; Hungu ri tlhela ri vuyela endzhaku eka Kereke nakambe, ri vumba Miri wa Yesu Kreste ntseña kukotisa Lowo sungula wa xidzi lowu wu ngaya endzeni ka misava. Sweswi, ku vona vu-vu Vutomi lebyi nga Heriki.

¹³⁹ Vutomi, hakunene xi-xi xikamba endzhaku lahawani xi rhwale Vutomi. Hakunene, xa swi endla. Kambe, ma swi vona, loko yi tava yi vile xinsinya nakona xi helerile, ku nga nhlangano, Vutomi byi yile eka Wesley; byi huma, byi nghena. Nakona kan'we, wun'wana na wun'wana wa tonu. Wun'we, ndleve leyikulu, a yi languteki kukotisa ndoho. Kambe loko pholene leyintsongo yi nghena, kukotisa...eka-eka xikamba...kumbe xinsinya, pholene ya xichocho, hinkwaxo xi languteka kukotisa xikamba. Kambe loko swi ta eka xikamba xexo, swi va swi ri kwalahaya.

¹⁴⁰ Xana a nga vulanga Yesu a ku, "Emasikwini ya makumu" (Matewu 24:24) "leswi mbirhi swi tava ekusuhi swinene swi ta hambukisa na tonu timbewu, lava nga hlawuriwa khale, Lava va nga Vahlawuriwa, loko swi nga koteke"? Hakanyingi kukotisa nchumu wa ntiyiso, wa vona. Swingaleswi, emasikwini ya makumu. Sweswi, ma swi vona, i nkarhi wa koroni sweswi. I nkarhi wo tshovela. Leyi a hi yona nguva ya Luther, leyi a hi yona nguva ya Pentekost, leyi i nguva ya Mutekiwa.

¹⁴¹ Tani hilaha Muxé a nga vitana tiko leri humaka eka tiko, Kreste namuntlha u vitana Kereke leyi yi humaka eka kereke, ma swi vona; swa ha fana hi xifaniso, a va yisa eTikweni leri ri kwetsimaka ra Xitshembhiso lexi xi nga Heriki.

¹⁴² Sweswi, ku alela Munhu yaloye a vitanaka, ku nga Kreste, a swi na mhaka leswaku i wa Pentekostal, Methodist, Luther, hambi u ngava wa yihi, u fanele ku... Nguva leyi! Kuhava leswi swi lwisanaka na vona, kuhava eka hinkwaswo, kambe eka nguva leyi *sweswi* u fanela ku amukela (kukotisa hilaha va swi endleke eka nguva yaleyo) Munhu wa Kreste laha ku nga Rito!

*Ekusunguleni a kuri na Rito, nakona Rito a ri ri na
Xikwembu, nakona Rito a xi ri Xikwembu.*

*Nakona Rito ri endliliwe nyama, ri tshama exikarhi
ka hina,...*

*...la nga wa tolo,...namuntlha, ni hilaha ku nga
heriki.*

Vaheveru 13:8. Wa vona, u boheka ku amukela Munhu yaloye wa Vutomi lebyi nga Heriki!

¹⁴³ Sweswi, i Vutomi byihi lebyi Luther a ri na byona, bya kuva u lulama. Wesley u vile na kuva u kwetsima, ku

engeteriwa eka swona. Pentekosta yi vile na ku vuyelerisiwela ka tinyiko ti tlhelela eka swona, ku engeteriwa eka swona. Kambe sweswi swi hetiseka eka miri, ma swi vona, swiyenge swinharhu swa swona, nakona eka sweswo... Sweswi, loko ku pfuka ka vafi ku fika, Vutomi lebyi byi nga hanya eka vona Malutere, lebyi byi nga famba, Vutomi lebyi byi nga hanya eka Mamethodist byi tlhela byi huma, Vutomi lebyi byi ngaya eka Mapentekostal, hinkwabyo byi ta tlhandlukisiwa byi suka emisaveni hi Miri wa Mutekiwa leswaku byi nghenisawa emahlweni ka Yesu Kreste. Ku kwetsima akuve eka Xikwembu! Oho, swa nyanyula! Swi Ntiyiso!

¹⁴⁴ Hi hundzuluxile khona! Hi langutile eTilweni, hi hlalela ku vuya; Xidloko eka Phiramidi, tani hilaha hi nga vulaka, ku vuya ka Yena! Kereke yi boheka ku tlhandlukisiwa kungari khale, nakona hi fanele ku tilulamisela.

¹⁴⁵ Nakona ndlela yin'we ntsena u nga yi kotaka, a hi ku vula leswaku, "Kunene, ndzi nghena Assemblies. Ndzi nghena Oneness, Twoness," kumbe yin'wana leyi yi nga vaka yona, hinkwato ka ton a lahay, "Ndzi nghena church of God," sweswo a swivuli nchumu. "Vatatana va hina va huwelerile va tlhela va cina," sweswo ntsena swi kahle hi kuhetiseka, lero a ri ri siku ra *vona*. Kambe *namuntlha* mi tshuneleriwa kungari hi nhlangano lowu va nga wu endla, kambe hi Vutomi lebyi byi yaka emahlweni, lebyi byi nga Yesu Kreste.

¹⁴⁶ Jaha leri lerintsongo ra nakulorhi ri endlile swo fana. Muxe u tsarile milawu leyi. Kambe, ma swi vona, Xikwembu xexiya xi nga tsala milawu, hi muprefeta wa Xona, xa hari xin'we lexi xi nga profeta hi siku leri ri nga ta ta, "Ndzi ta pfuxa Muprefeta loyi a kotisaka mina. Nakona swi ta humelela leswaku lava va nga taka va nga N'wi yingisi va ta susiwa"; endzhaku eka swikamba swa xidinominexini na swichocco. Va boheka ku ya emahlweni eka Vutomi. Nakona namuntlha, mi nga vuli leswaku, "Ndzi wa Pentekost. Ndzi nghena *leyi*, ndzi nghena *liya*." Sweswo a swi kali swivula na nchumu. Mi fanele ku amukela Munhu Kreste, Vutomi lebyi nga Heriki. Byi tshunelela un'wana na un'wana wa hina! Mi nga swi rivali sweswo.

¹⁴⁷ Varhangeri van'wana, ma swi vona, va na ku khomelela kwaloko eka yena. Vanhu va vona vadyondzisiwile, "Kunene, hi nghena eka *leyi*, nakona hi nghena eka *liya*," nakona va va naku khomelerisa xisweswo eka yena. Kambe i khombo ra njhani, ku alela vurhangeri bya Vutomi lebyi nga Heriki!

¹⁴⁸ Sweswi, Vutomi byebyo byi kona vusiku lebyi. Hi swona sweswo. Moya lowo Kwetsima wu kona lahawani, laha ku nga Kreste hi xivumbeko xa Moya; Moya wa Xona, ntoto wu lahawani.

...kungari kungani, misava yi ngaka yi nga ha ndzi voni; kambe n'wina mi ta ndzi vona:...

...Hikuva Ndzi tava *na n'wina*, niku tshama na *n'wina*, kuya fika emaheleni, *emakun'wini ya misava*.

¹⁴⁹ Yesu ari yexe a nga mi yisa eka Vutomi byebyo lebyi nga Heriki. Kuhava kereke, kuhava dinominexini, kuhava muchumayeri, kuhava muprista, kuhava nchumu wu nga mi yisaka eka Byona, mi boheka ku rhangeriwa hi Yena, Un'we ntseña loyi a nga mi rhangelaka.

¹⁵⁰ Mi nga ha swi anakanya loko Yena a mi rhangela ku huma eRitweni ra Yena, laha sweswo ku nga Yena? Nakona loko Yena ari Rito, nakona mi xiave xa Yena, a mi swi lavi kuva xiave xa Rito xana? Rito leri Xikwembu xi lavaka ku chela mamati yo ponisa ehenhleni ka namuntlha, ku Xi tiva namuntlha; kukotisa vaapostola va nga N'wi tiva, kukotisa Luther, kukotisa Wesley, kukotisa evanhwini emasikwini ya vona va nga N'wi tiva. Leyi i nguva yin'wana. I Rito! Rito ri vule swilo leswi hi swi vonaka swi teka ndhawu sweswi, swi vhumbhiwile leswaku swi ta teka ndhawu eka awara leyi. Swingaleswi amukela Yesu Kreste nakona u N'wi pfumelela ku ku rhangela kuya eka Vutomi lebyi nga Heriki.

¹⁵¹ Hambi leswi a nga vuyeriwa, nakolorhi loyi lontsongo... U vuyeriwile hi swilo swa kahle. Exikolweni, ari kahle. Tani hi jaha ra kahle, a swikanakanisi, ari kahle. Tani hi tatana wa xiviri... Hi ku yingisela papa wa yena eka bindzu, ari wa kahle—jaha ra kahle. A ri kahle eka vatswari va yena. A tshembhekile eka muprista wa yena. A tshembheka eka kereke ya yena. A tshembhekile eka milawu ya Xikwembu. Kambe u lahlekeriwile hi nchumu lowukulu, na vunyengi bya vona a byi nga swivuli swi ri nchumu ngopfu eka yena loko a ta tekela ehansi vurhangeri bya Vutomi lebyi nga Heriki, Yesu Kreste.

¹⁵² Lemukani! Vurhangeri lebyi byi tshunelela un'wana na un'wana wa hina namuntlha, ku fana ni loko swi tava swi endlekile eka jaha lero, hina... swingari na mhaka ni leswaku hi khongela njhani. U nga hava wa Khatholiki, u nga hava wa Baptist, Methodist, kumbe mi nga hava Mapentekostal, kumbe leswi mi ngavaka xiswona, nchumu lowu wu fanaka wa mi tshunelela vusiku lebyi: Vutomi lebyi nga Heriki, laha ku nga, ku amukeriwa ka Yesu Kreste. Hi nyikiwile nkateko lowu.

¹⁵³ Nkarhi wun'wana evuton'wini hi fanela ku tshunelela nchumu kukotisa jaha leri ri swi endleke, hikuva mi vanhu lava va hundzaka nakona mi nyikiwe—mi nyikiwe nkateko wo hlawula. Mi na ku hlawula. Xikwembu xi swi endlile leswaku mi kota ku hlawula. Loko Xi tava xi vekile Adam na Evha kuva lava va ntshuxekeke leswaku va nga ha kota ku hlawula, nakona va endlile kuhlawula loku ku nga hoxeka, kutani, wa vona, Xi ngaka xi nga ha swi endlili eka n'wina kutlula hilaha Xi swi endleke eka vona. Xi ta fanela ku mi veka eka nchumu wo fana leswaku mi ta kota ku hlawula kumbe ku ala.

Mi na ku hlawula. A hi languteni eka van'wana va vona:

¹⁵⁴ Mi na ku hlawula, tani hi jaha, leswaku hambi u ta va na dyondzo kumbe u ngavi na yona. U na ku hlawula kwaloko. U nga ha lava kuva tano “ntsena u ngavi na kona,” u nga ha ku ala.

¹⁵⁵ U na ku tihlawulela eka matikhomele ya wena. Ndzi ya kandziya xikunwani nyana swintsongo lahwani. Wa vona? U nga ha huma u ya pfumelela misisi ya wena yi kula yi ya ehansi nakona u va ntlawa wa Beatle wa vuyimbeleri kumbe swin'wana swa munhu loyi a hunisaka.

¹⁵⁶ Kumbe n'wina vavasati, mi nga ha languteka kukotisa xi—xi xivumbiwa xa ximunhu lexi xi nga tshamiseka kumbe u nga hava un'wana wa swivumbiwa leswi swa fexeni ya khale leswi hi nga na swona lahaya, mahlo ya vona ya wasi. Na ti “waterhead haircuts” na swin'wana, hikuhetiseka va lwsana na Rito ra Xikwembu, laha hakunene swihambanaka; a swi nyikiwanga hambi ku nyikiwa... swi ngaka swi nga nyiki xikhongelo leswaku swi amukeriwa. Walowo i Ntiyiso. Sweswo hi swona hakunene. Sweswo hi leswi Bibele yi nga swivula.

¹⁵⁷ Kambe ku humeleta yini hi n'wina, kereke? Mi vone ngopfu thelevhixini, swilo swotala swa misava, swi olovile swinene eka Adamu wa n'wina wa khale wa ntumbuluko kuva eka nhlaluko eka sweswo, kuva na maendlelo yo kotisa hinkwavo lavan'wana.

¹⁵⁸ Ndzi nga ha swi vuyeleta nakambe leswi! Eka ku hetisiseka na nawu wa mayuda, eka ku nyikela ka—ka—ka xitlhavelo emasikwini ya Muxe, loko Muxe a ta humesa vana, a ku fanele kuva na nkombo wa masiku laha ku fanelaka ku ngavi na comela exikarhini ka vona. Un'wana na un'wana wa switiva sweswo. Eka Eksoda, “Ku nga kumeki na comela emixaxeni ya n'wina hinkwayo, masiku ya nkombo.” *Nkombo wa masiku* yalawa ya yimela ku hetiseka ka “tinguva ta nkombo ta kereke.” Wa vona?

¹⁵⁹ “A ku laveki comela.” Sweswi, i yini sweswo? A ku laveki mukhuva, a ku laveki misava. Yesu u teri, “Loko u rhandza misava kumbe swilo swa misava, rirhandzu ra Xikwembu ari kona eka n'wina.” Wa vona? Nakona hi le ku ringetenka ku hlanganisela sweswo; u ngaka u nga swi endli! U ta fanelka kuta hi nchumu *wun'we* ku ta pfumela: swi nga ha endleka u ya u ya pfumela eka Xikwembu, u ya u ya pfumela eka kereke ya wena, u ya u ya pfumela eka misava, a wu... A wu nge swikoti ku swi hlanganisa kun'we. Nakona a wu nge swikoti ku khomelela eka swilo swa vona swa khale swa kereke yin'wana u nga se swi endla. U fanele ku teka Hungu ra awara.

¹⁶⁰ A ku, “Leswi swi nga sala, mi nga swi tshiki swi tshama kufikela na mixo (leswaku swi ta eka nguva leyin'wana), swi hiseni hi ndzilo; mi swi herisa.” Yaleyio i nguva ley

mi hanyaka eka yona, Hungu ra nguva leyi, Ri fanele ku humesiwa hi Matsalwa ni ku tiyisiwa hi vumbhoni niku khorwisiwa hi Xikwembu leswaku hi xona Xikwembu xi swi endlaka. Kutani hambi wa Swi teka kumbe u Ri ala. Sweswo i Vutomi lebyi nga Heriki, vurhangeri bya Moya lowo Kwetsima, byi fambisaka Kereke ya Xona.

¹⁶¹ Hi nga tshama eka swona nkarhi wo leha, kambe a hi hundzeni, ntsena a hi fambeni kun'we.

¹⁶² Ku hlawula ka matikhomele ya wena. U nga ha swikota...U ngaka u nga swi hlanganisi sweswi. U nga hava u ri wa Xikwembu kumbe u lwisana na Xikwembu, nakona tinhlamuselo tale handle tikombisa swinene leswi swi nga endzeni. Wa vona? Khokholiba...Votala van'wina mi ehleketa leswaku, "Loko ndzi ri na nkhuvulo wa Moya lowo Kwetsima, ndzi ya eTilweni." Sweswo a swikali swi vula nchumu leswaku u ya eTilweni. Ee, nkulukumba. U nga hava na wona nkhuvulo wa Moya lowo Kwetsima eka awara yin'wana na yin'wana evuton'wini bya wena, nakona u va wa ha lahlekile kutani u ya etiheleni. Bibele yi vula tano. Ahaa, sweswo hi swona hakunene.

¹⁶³ Langutani lahawani, mi munhu wa le handle. Mi na switwi swa ntlanhu leswi swi tihlanganisaka na miri wa le handle. Xikwembu xi mi nyike switwi swa ntlanhu; kungari swa ku tihlanganisa na Xona, kaya ra n'wina ra le misaveni: ku vona, ku ringa, ku khumbha, ku nuhweta, na ku twa.

¹⁶⁴ Nakona u na moya endzeni ka sweswo, nakona wu na ntlanhu wa leswi swi humelaka ehandle: ripfalo, na rirhandzu, na kuya emahlweni. Ntlhanu wa leswi swi humelaka ehandle leswi u ti hlanganisaka na moya wa misava hi swona, kambe na moya wa wena.

¹⁶⁵ Swa xinyama swa wena swi tihlanganisa ni swa xinyama. Swa ximoya swa wena swi tihlanganisa ni swa ximoya. Kambe endzeni ka sweswo u na munhu wale ndzeni, nakona munhu yaloye wale ndzeni hi yona mbewu yaleyo yi humaka eka Xikwembu.

¹⁶⁶ Kutani kukotisa n'wana loko a vumbiwa exivelekelweni xa mana wa yena. Loko n'wana a ta eka—eka xivelekelo xa manana hi mbewu nyana leyintsongo, yi kasela eka tandza. A yi kali yi endla na xivumbeko na xin'we xa munhu, lexi xi landzelaka i mbyana, ku landzela ximanga, ku landzela hanci. Hinkwato i tisele ta ximunhu hikuva tiakiwa ti ri karhi ti huma eka sele xidzi ya munhu.

¹⁶⁷ Nakona loko munhu a tava a tswariwile ra vumbirhi hi Rito ra Xikwembu, a hlawuriwa khale a hlawuleriwela eka Vutomi lebyi nga Heriki, a vitaniwa "Muhlawuriwa," kutava kuri Rito ra Xikwembu ehenhla ka Rito, Rito ehenhla ka Rito! Kungari mukhuva wa xidinominexini kutani ku landzela Rito,

na mukhuva; nakona swi ngaka swi nga tirhi. A wu ngevi na xona comela xexo eka Rona! Ntsena i Vutomi byin'we lebyi nga Heriki, ku nga Yesu Kreste loyi a nga Rito:

Ekusunguleni akuri na Rito, nakona Rito a ri ri na Xikwembu, nakona Rito a xi ri Xikwembu.

Kutani Rito ri endliwile nyama, ri tshama exikarhini xa hina, . . .

¹⁶⁸ Vanghana, mi phamela vana va mina. Mi ndzi rhuma ku rhendzeleka hi masimu ya mixini eka misava, ku yisa Hungu. Ndzi fanele ku tshehbheka na n'wina. Leswi ndzi swi langutelaka, nkarhi wun'wana a mi swi voni. Sweswo hi swona swi endlaka ndzi va lahwani ku ta ringeta ku mi byela. A swiyi hikuva a ndzi rhandzi vanhu, swi hikwalaho ka kuva ndzi rhandza vanhu. Ku lulamisa. Loko ndzi vona ku etlela ka kereke, kusuka, yi ku, "Kunene, hi endlile *leswi* ni kuva hi endla *sweswo*," ni kuva hi languta kereke hinkwako hi vona . . . Ntsena swi ngaka swi nga tirhi.

¹⁶⁹ Kutani langutani lahwani aBibeleni nakona mi vona swi fanele kuva hi ndlela yaleyo emakumu, Nguva ya Kereke ya Laodekiya yaleyo yo kufumela, yi vekaka Yesu ehandle (la nga Rito). A nga kalanga a vitana . . . A ngeyi eku vitaneni ka kereke. U teri, "Tani hi votala lava Ndzi va rhandzaka, Ndza va tshinya. Ndza va xupula." Ndzi teka Rito ndzi Ri faya ehenhla, ndzi vula leswaku, "Wa hoxisa eka swona!" Xexo hi xona xivangelo xa kuva ndzi mi rhandza. "Loko mi nga pfula rivanti kutani mi Ndzi pfumelela ndzi nghena, Ndzi ta nghena ndzi lalela na n'wina." Kungari kereke, khale A hlongoriwile eka yona.

¹⁷⁰ Yi kongomane na Ecumenical Council. Kwalaho hilaha yi ngaya kona, ku tlhelela eRhoma laha yi humaka kona. Nakona sweswo hi swona. Ndzi na swona sweswo swi tsariwile ephepheni kusukela eka malembe ya makume mbirhi-ntlhanu lawa ya nga hundza, kumbe malembe ya makume nharhu-nharhu lawa ya nga hundza, kutani yi kwalahaya. Kungari sweswo ntsena, swi tsariwile eBibeleni, kusuka eka xivono. U tlhelele endzhaku. Kuhava ndlela yo yi ponisa, yi fambile! Yi famba hi ndlela yaleyo.

¹⁷¹ Xikwembu xi vitana ha *un'we-un'we*. "Ndzi yimile enyangweni ndza gongondza. Loko munhu un'wana na un'wana, munhu un'wana na un'wana . . ." Un'we a ri yexe eka gidi, ku nga hava kuri un'we eka miliyoni.

¹⁷² Tani hilaha ndzi vuleke eka vusiku byintsongo lebyi nga hundza. Loko Israel ri ta huma eEgipta, ntsena akuri mamiliyon i mambirhi ya lava va nga huma, nakona ntsena mamiliyon i mambirhi; un'we ntsena . . . i vanhu va mbirhi ntsena lava va nga nghena. Un'we eka miliyoni. Xana a mi switiva sweswo xana? Kaleb na Yoshuwa.

¹⁷³ Kutani Yesu, loko A hari emisaveni, va teri, “Vatatana va hina va dyile mana emananga. Hi hlaysia mindhavuko ya hina. Nakona hi endla *leswi*. Hi tiva laha hi nga yima kona!”

¹⁷⁴ A ku, “Ndza switiva leswaku vatatana va n’wina va dyile mana emananga, nakona un’wana na un’wana u hambanele Makumu. Va file!”

¹⁷⁵ Loko vununa byi huma eka xinuna kumbe xisati, kuna matandza ya miliyoni ya humaka, kuna mbewu ya miliyoni yi taka. Kutani eka yona mbewu hinkwayo leyintsongo, ya muxaka... Loko yi-loko yi huma eka homu ya xinuna, kumbe wanuna, kumbe loyi ku nga vaka yena, ntsena kuna mamiliyoni ya timbewu, miliyoni wa timbewu ta tirha. Kwalahaya kova na yin’we ntsena ya timbewu leyi yi nga hlawuleriwela vutomi, hikuva kuna tandza rin’we leri ri nga lahaya, ri nga nona, ku ta hlangana na yona. Hi swona sweswo. Tandza rin’we ntsena leri ri nga ta hlanganisa. Ntsena kukotisa miri lowu wu nga tshama lahawani, na mbewu leyi yi humaka eka Xikwembu. Wa vona? Nakona hlalelani mbewu nyana leyintsongo leyi yi taka yi huma eka hinkwato timbewu letin’wana, kutani tipuluta kurhendzeleka hi wona, tiya emahlweni ti ma hundza, ti ta lahawani ti ta kuma tandza lero nona kutani—kutani yi kasa yi ya nghena eka rona; kutani letin’wana hinkwato ti fa.

¹⁷⁶ Xana a ku ta humelela yini na kereke namuntlha loko a swi ri hi ndlela yaleyo, yin’we ehenhleni ka miliyoni? Ma swi vona leswaku yi tava yi ri njhani? “Nyangwa wu khumile na Ndlela leyi yi yaka kona yi larile, nakona i vantsongo lava va nga ta Yi kuma; hikuva ndlela ya budula yi yisa ekuloveni, kutani va tele lava va fambaka hi yona.”

“A hi ntiiyiso xana, Makwerhu Branham?” A ndzi switivi, kambe ntsena ndzi tshaha Matsalwa. Wa vona?

¹⁷⁷ Sweswi, mi hlawuleriwele eVuton’wini. Ma Ri vona loko mi hlawuleriwele ku Ri vona. Loko u nga hlawuleriwanga ku Ri vona, u ngaka u nga Ri voni. U te, “Va na mahlo kambe a va voni, va na tindleve kambe vangaka va nga twi.” Hi khensa njhani hilaha mi faneleke kuva hakona, kereke! Hilaha mi faneleke ku titiyisa hakona eka swilo leswi! Hilaha mi faneleke kuva hakona endzilweni wa Xikwembu! Leswaku mahlo ya n’wina ya vona leswi mi swivonaka, tindleve ta n’wina titwa swilo leswi mi swi vonaka. Vurhangeri! Hikokwalaho ka yini mi tile lahawani vusiku lebyi ku ta yingisela Hungu ro kotisa Leri? Ndzi pfurhile kurhendzeleka hi misava, hi tikereke, tanu hi “bayizani.” Xana mi tela yini? Moya lowo Kwetsima wu mi tisile lahawani (wa vona? wa vona?) ku ta yingisela. Ku yimbisa! Ntsena u cukumetela ekule swilo swa misava, u amukela vurhangeri bya Yesu Kreste, kumbe u ta lovisiwa hi ntiiyiso tanu hi misava.

¹⁷⁸ U na ku hlawula eka matikhomelo. Hilaha u ti khomisaka xiswona wena hi wexe, sweswo swi le ka wena.

¹⁷⁹ U na ku hlawula eka nsati. Wa huma u ya titekela nsati wa wena. Loko u lava ku teka nsati, u lava ku teka un'wana loyi a nga hetiseka eka...eka leswi u swi lavisaka xiswona...ku kunguhata muti wa vutomi leswi wu nga tava xiswona. U nga ha n'wi anakanya munhu, munhu wa Mukreste, a huma a ya teka un'wana wa va Ricketta va xi manguva lawa leswaku a va nsati? Haa? Mi ngaha swianakanya? Xana wanuna loyi u ehleketa ha yini? I muti wa njhani lowu a nga tava na wona loko a teka loyi a nga hluvula, muencenyeti wa swa le xitarateni ehandle lahwani, ngwavavani ya xitarata? "Oho," mi ri, "sweswi, yima nyana." Xana u tiambexa njhani hi yexe? Wa vona? Wa vona? U ambala swo koma na swin'wana, hi yena ngwavavani ya xitarata. "Oho," mi ri, "sweswi, Makwerhu Branham!" Oho, swiketani nyana swa yena swo manya, swi languteka tani hiloko u le cheriwa kunene eka xona, ngwavavani ya xitarata.

¹⁸⁰ Yesu u teri, "Loyi a langutaka wansati hi ku n'wi navela, u va a n'wi oswile embilwini ya yena." Swingaleswi u ta fanele ku tihlamulela eka sweswo. Nakona u endla yini xana? Wa titisa yena hi yexe. I mani a nga na nandzu? Ehleketa ha swona.

¹⁸¹ Mi ri, "A va ha endli swiambalo swin'wana." Va hari na tinhundzu na michini yo rhunga. A kuna xibajelo. Ahaa. Hi swona sweswo hakunene.

¹⁸² Sweswi, a ndzi lavi ku mi vavisa. Nakona leswi a hi fenza, leswi HI LESWI HOSI YI SWI VULAKA kusuka eka Matsalwa. I ntiiyiso hakunene, munghana. Ndzi mukhalabya, a ndza hari na nkarhi wo tala wo tshama, kambe ndzi fanele ku mi byela Ntiyiso. Loko leri kuri hungu ra mina ro hetelela, i Ntiyiso. Wa vona? U nga ali, sesi. U nga ali, boti.

¹⁸³ Na n'wina vanakulorhi lava mi nga khemelela eka—eka mikhuva, mi ri karhi mi switiva leswaku Rito ra Xikwembu leri ri nga tiyisisiwa hi vumbhoni ri le mahlweni ka n'wina. Nkhuvulo wa Moya lowo Kwetsima na leswi swi vonakaka leswi hi nga na swona namunthla, kutani, hikokwalaho ka mukhuva wa n'wina, mi fambela ekule na Rona? U ngava njhani n'wana wa Xikwembu niku ala Rito ra Xikwembu leri ri nga vhumbheriwela masiku lawa yo hetelela lawa hi hanyaka eka wona xana? U nga swi endlisa ku yini? Xana Bibele yi nga swi vitana njhani leswi...

¹⁸⁴ Tani hilaha ndzi nga vula vusiku bya tolo hi—hi hosi nkarhi wun'wana, ehansi eDzongeni, loko va ri na makhaladi kwalahaya lava a va xavisiwa leswaku va va mahlonga. Hikokwalaho ka yini, a va nga hari nchumu ntsena kutlula makete lowu—lowu wa timovha leti nga tirhisiwa, u kuma bili yo xavisa eka vona. Nakona ndzi tlhavile mukhos, eka xindhawani xin'wana...ndzi hlaiyle siku rin'wana laha muxavi a—a ta a ta xava un'wana, hiloko aku, "Kunene,

sweswi, ndzi ta tsakela...” A va twisa vusiwana, a wu ta fanelu ku va ba hi kharisa, u va endla leswaku va tirha hikuva a vari ekule na makaya ya vona. A va xavisiwile, va va mahlonga. Nakona a vari eka tiko rimbe a va tivi nchumu ha rona, nakona a va ha tlhelelanga emakaya nakambe, kutani a va twisa vusiwana. A wu fanele ku va ba hi nkharisa, leswaku va tirha. Kambe muxavi loyi u tile hi le ka nsimu yin’wana.

¹⁸⁵ Nakulorhi un’wana kwalahaya loyi a humesele xifuva xa yena ehandle, xilevhу xa yena xi yimela ehenhla, a wu nga ta fanelu ku n’wi ba hi nkharisa. Ari wa le henhla, nakona a hlayisa mahanyelo ya lavan’wana.

Muxavi a ku, “Ndzi ta xava yena.”

¹⁸⁶ A ku, “A nga xavisiwi. A ngayi kahelo. A wu nge n’wi xavi, hikuva a nga xavisiwi.”

¹⁸⁷ A ku, “Kunene, i yini lexi a xi n’wi endla a va loyi a hambaneke xana?” A ku, “Xana i boso ya vona hinkwavo xana?”

A ku, “Ee.”

A ku, “U n’wi phamela ku hambana xana?”

¹⁸⁸ A ku, “Ee. U hlonga, u dyela kwalahaya eka gali yin’we na lavan’wana hinkwavo.”

A ku, “I yini lexi xi n’wi endlaka leswaku a va loyi a hambaneke?”

¹⁸⁹ A ku, “Ndzi hlamarile hi yumina, kufikela laha ndzi lavisisaka. E Afrika (laha va humaka kona, laha Mabunu va nga va xava kona, kutani va va tisa lahawani va tava xavisa leswaku va va mahlonga), kona kwalahaya tatana wa yena i hosi ya tiko. Kutani hambi swi ri tano, i xi ta xifamba, ule kule na le kaya, wa switiva leswaku i n’wana wa hosi. Swingaleswi u tikhomisa xisweswo.”

¹⁹⁰ I xitshinyo xa njhani eka Vukreste! Hi fanele ku yimela Xikwembu na Vutomi lebyi nga Heriki. Kuna xivumbeko xin’we ntsena xa Vutomi lebyi nga Heriki, nakona xexo i Xikwembu. Xona xi ri xoxe xi na Vutomi lebyi nga Heriki. Nakona hi ntshovelo wa Xona, hikuva hi timbewu ta Moya wa Xona. Swingaleswi hi fanele hi va na matikhomele lamanene hi hexe, vavasati na vavanuna, kukotisa Bibele yi nga vula eka hina leswaku hi swi endla. Kungari Vayizabele va xitarate, na va Rickies va nhlangano; kambe tinjchingha ta Vukreste, majaha na vanhwana va Xikwembu, lava va nga tswariwa hi Moya wa Xikwembu, xi vonakarisaka Layiti eka masiku ya hina niku Ri hangalasa. Sweswo hi swona hakunene.

¹⁹¹ Hi papamele ekule njhani kusuka eka Rona! Hikokwalaho ka yini? Swo fana na leswi jaha leri ri nga swi endla lahawani. U arile, a ala Vutomi lebyi nga Heriki, hikuva Ri ta n’wi tekela xiyimu lexi a nga eka xona xo tiphina, Ri ta n’wi tekela ku tiphina ka—ka—ka yena hi mali, Ri ta n’wi tekela xinakulobye

xa yena ekerekeni, Ri ta n'wi tekela swilo swo tala. A swi tiva leswi Ri nga ta n'wi tekela swona, a ri ri jaha ra vuxiya-xiya, nakona u titwile leswaku a nge swikoti ku hakela nxavo. Hambi swi ri tano u ehleketele leswaku, "Ntsena ndzi ta tshembhela eka vukhongeri bya mina nikuya emahlwени." Kambe endzeni ka mbilu ya yena a switiva leswaku kuna swin'wana ha Yesu Kreste loyi a hambanile eka vaprista va vona va siku lero.

¹⁹² Nakona Hungu rin'wana na rin'wana leri ri nghenaka, ra xiviri, Hungu leri ri nga tswariwa hi Xikwembu, ri hambanile kusuka eka ku jika ka khale. Loko ku hanyisa loku ko Kwetsima kuya emahlweni, kungari khale ngopfu, mi kale mi swi xiyisisa hilaha vaencenyeti va swi landzelelaka hakona? Wa vona? Nakona un'wana na un'wana wa vona vale ka minhlangano ya vona, va tshama kwalahaya. Xana un'wana na un'wana wa swi tiva leswaku ku fanele kuva na Hungu leri ri nga ta landzela sweswo? Hikokwalaho ka yini, Xikwembu a xi hi hungasi! Xi hi koka rinoko hi swin'wana, nakona loko Xi hi koka rinoko, swivula leswaku Xi na Hungu ra Xona.

¹⁹³ Langutani loko Xi tata ro sungula emisaveni, niku sungula ministri wa Xona, "O Rabi lontsongo, hi Ku lava lahawani ekerekeni ya hina. Hina... Tana haleno." Muprofeta lontsongo. "Oho, hi Ku lava lahawani. Tana haleno."

¹⁹⁴ Kambe siku rin'wana loko A yimile a ku, "Mina na Tatana wa Mina hi Un'we."

¹⁹⁵ "Oho, mina! U ti endla Xikwembu yena hi Yexe."

¹⁹⁶ "Handle kaloko mi dya Nyama ya N'wana wa munhu ni kunwa Ngati ya Yena, a mi na Vutomi eka n'wina."

¹⁹⁷ "Hi Yena Vhamphaya! Kuhava lexi hi nga xi endlaka ha sweswo."

¹⁹⁸ Vaapostola va vona a va tshamile kwalahaya; magidi ya N'wi siyile, kambe vaapostola lava a va hlawuleriwele eVuton'wini. U vule tano. A va nga swikoti ku Ri hlamusela; a va Ri pfumela. A va tshama na Rona hikuva, u teri, "Kuhava munhu loyi a nga endlaka mintirho leyi."

¹⁹⁹ Hambi vaprista va switiva sweswo. Nikodema u teri, "Ha switiva" (huvo ya Sanhedrin) "leswaku kuhava munhu loyi a nga endlaka mintirho leyi handle kaloko yi huma eka Xikwembu." Wa vona?

²⁰⁰ Petro, hi Siku ra Pentekost, u te, "Yesu wa Nazareta, Munhu loyi a khorwiseke hi Xikwembu exikarhini ka n'wina. Xikwembu a xi ri na Yena."

²⁰¹ Langutani eka Matsalwa, leswi Matsalwa ya vulaka leswaku ya ta swi endla. Yesu u teri, "Lavisisani Matsalwa, lawa eka Wona miehleketaleswaku mi na Vutomi lebyi nga Heriki. Hi wona lawa ya vulaka vumbhoni ha Mina. Loko a

mi tivile Muxe, a mi tava mi Ndzi tivile, hikuva Muxe u tsarile leswaku Ndzi ta ta, hi xivumbeko lexi Ndzi nga ta ta ha xona.” A ta tani hi N’wana wa munhu.

²⁰² U tile hi mavito ya nharhu, tani hi Xikwembu. Ya nharhu (kukotisa Tatana, N’wana, na Moya lowo Kwetsima), Xikwembu xin’we, i swihlawulekiso swinharhu.

²⁰³ Kutani sweswi, nakambe, ku lulama, ku kwetsima...; Luther, Martin, na—na ku—na Pentekostal; swa fana: swihlawulekiso swinharhu, switichi swinharhu, tinguva tinharhu ta kereke.

²⁰⁴ Swa fana: mati, ngati, na moya. Oho, ntsena tani hiloko u famba na swona, tielemente tinharhu leti ti ku tekaka ti ku tlherisela eka miri. Kukotisa loko ku kutisa u suka eka ku tswariwa ka ntumbuluko, ku fananisa ku tswariwa ka wena ka ximoya. Loko n’wana a tswariwa, xo sungula ku ta mati, ku landzela ngati, kutani ku ta vutomi. Yaleylo hi yona ndlela leyi u tisaka xiswona eka Mfumo wa Xikwembu, hi ndlela yo fana. Wa vona? Yaleylo i ndlela leyi Kereke yi nghenisaka xiswona, hi ndlela yin’we. Swo fana. Sweswi lemukani eka swilo leswi swinharhu, Xikwembu xi vumbile wa Xona...xi ti vumbela miri wa Xona.

²⁰⁵ Sweswi hi kuma sweswo lahawani, leswaku mi na nfanelo eka ku hlawula ka n’wina. U hlawula ntombhi leyi u lavaka ku yi teka; a ku amukela, hi swona.

²⁰⁶ Kutani xin’wana, u na ku hlawula loko u lava ku hanya kumbe u nga swi lavi ku hanya. Wa hlawula sweswi exikarhi ka Vutomi na rifu. U nga ha hanya.

²⁰⁷ Jaha lero ri vile na ku hlawula kwaloko. A humelerile eka hinkwaswo, munhu loyi a khongelaka, kambe a switiva leswaku loko sweswo... U swi vule hi yexe, “Ndzi hlaysile milawu leyi kusukela loko ndza ha ri lontshwa,” kambe a switiva leswaku a ngari na byona Vutomi lebyi nga Heriki. Wa vona? Nakona ari na ku tihlawulela leswaku wa Ri amukela kumbe a nga Ri amukeli, nakona u Ri tekerile ehansi. Xexo i xihoxo lexikulu a nga tshama a xi endla. Hinkwaxo ka xona a nga ta xifikelela. A swi nga ta endleka, a xi fikeleleki, handle kaloko u teka ku hlawula Kwaloko.

²⁰⁸ Sweswi a hi n’wi landzeleriseni eka ku hlawula ka yena, hi vona leswaku ku nwi yisa kwihi. Sweswi, vonani laha a nga ku hlawula. Sweswi, langutani, a ri—a ri wanuna wa xifumi, ari n’wa-mabindzu, ari mufumi, nakona ari munhu loyi a khongela. Hinkwaswo sweswo!

²⁰⁹ Namuntlha a hi ta ku, “Jaha, hi yena Mumethodist wa xiviri, kumbe Baptist, kumbe Pentekostal. A—a ri nakulorhi lonene, jaha ra kahle hakunene. Wa kahle!” Ku hava lexi u nga xivulaka ha yena; a ri wa xinakulobye, a ri kahle, a tololeleka, na hinkwaswo. A ngari wa vugangu. A ngari xizahi

nkarhi wun'wana, kunwa, kumbe kutsutsuma hinkwako a ya atifilimini nale tigigini, ni leswi hi nga swi vitanisaka xiswona namunthha, tani hilaha hi nga ntlawahata Mukreste. Kambe sweswo hambi swi ri tano a hi Vutomi lebyi nga Heriki! Sweswo a hi swona leswi hi vulavulaka hi swona. A nga hava a tshembhekile eka kereke ya yena, eka leyi hakanyingi a kumeka kona. Kambe, ma swi vona, kutani xana swi n'wi yise kwihi xana? Eka ku duma lokukulu. A hi nge, loko ari muchumayeri, a tava a... a ri na kereke yo antswa. A tava ari nkulukumba wa kereke ya mfumo kumbe bishopo. Wa vona? Swi mi yisa eka kuva a dumile, nakona swi n'wi yisa eka xuma xo tala na ndhumu.

²¹⁰ Ri nga ha endla swo fana namuntlha, u na talenta ya kahle yo yimbelela. A ndzi ri karhi ndzi ehleketa hi jaha lero xinkadyana lexi xi nga hundza loyi a nga yimbelela risimu lero lahawani; hilaha a byi nyikeke hakona eka javulosi, kutani sweswi u byi vuyisele endzhaku... Nakona ku hambana kule kwihi exikarhi ka yena na Elvis Presley na van'wana va lava. Pat Boone, na ntawa wo kotisa walowo, Ernie Ford, vanhu va vona, vayimbeleri va kahle; nakona va teka titalenta ta vona, titalenta leti nga nyikiwa hi Xikwembu, nakona a yi tirhisela ku hlohotela mi—mi mintirho ya javulosi. Hi swona sweswo. Van'wana va vayimbeleri va kahle va xavisa titalenta leti va nga nyikiwa hi Xikwembu hi ku duma eka misava leyi, leswaku va va un'wana. U ngava njhani "miri" wun'wana kutlula lowu u nga na wona, kuva munhu un'wana, kutlula kuva n'wana wa Xikwembu?

²¹¹ A ndzi na mhaka ni leswaku u fuma doroba hinkwaro, misava hinkwayo, nakona a nga amukelanga vurhangeri bya Vutomi lebyi nga Heriki hi Moya lowo Kwetsima (Kreste), u taya u ya endla yini... Wo va mani, hi ndlela yin'wana? Wova lexi xi faka xi bolaka, ku fela vudyohweni nale vubihini! U va na vukhongeri tani hilaha u lavaka kuva hakona; hi ku tshembheka tani hilaha u lavaka kuva tano eka kereke; muchumayeri, loko u lava kuva aphulphitini; kambe u tekela ehansi, wa fa!

²¹² Ari muhumeleri lonkulu. Ari muhumeleri lonkulu lahawani eka vutomi lebyi. Hakunene. Hi n'wi kuma laha hi lemukaka... Kutani hi kuma nakulorhi loyi, loyi a ngaya... Ha n'wi landzelerisa nyana swintsongo, nakona ha swivona leswaku u na ku humelela lokukulu. Kutani ha n'wi landzelela hi Bibele. Hi lemuka leswaku u—u... Hi n'wi kuma ari xifumi xa wanuna. U na tindhawu letikulu, a hungasa muavanyisi na meyara wa tiko, kumbe van'wana. U le henhla emaninginingini ya lwangu ra yena, nakona ari na swakudya swotala swa ntshungu; na vaphameri votala va xisati, na vavasati, vanhwenyana, na hinkwavo, lava va nga n'wi rhendzela. Nakona akuri na mukomberi a tshamile enyangweni, hi vito

ra Lazaro. A kukula manhlanhla masuka eka yena. Ha xitiva xitorhi. Lexi xi landzelaka, u yile emahlweni a humelela, ntsena kukotisa tikereke namuntlha tihumelelaka.

²¹³ N'wa-mabindzu a tshamile lahaya, a ndzi byela leswaku, "Kona kwala a California, leswaku kereke yi fanele yi byela vuyimeri bya vatirhi leswi va fanelaka ku swi endla." Wa vona, i kuta ka kereke na mfumo nakambe. Yi le ka n'wina. Ma swi vona, mi kwalahaya, nakona mi teka mfungho wa xivandzana mi ngari eku switiveni.

²¹⁴ Loko mi tshame mi xava yin'wana ya tithepi ta mina, swi kumeni leswi, loko ndzi fika—loko ndzi fika ekaya, *Minkondzo Ya Nyoka*; nakona mi ta yi vona leswaku yile kwihi, mi vona laha makumu lawa ya helelaka kona. Ndzi ya ekaya sweswi ku ya vulavula hi yona, loko Hosi yi swi rhandza. Yi kwalomu ka tiawara ta mune, swingaleswi ndzi ngaka ndzi nga yi humesi eka yin'wana ya tinhlengeletano to kotisa leyi. Ndzi fanele kuya lahaya laha kereke yi nga hlupheka na mina nkarhi wo leha, yi ri karhi yi kondzelela. Lemukani. Kambe sweswi mi nga ha yingisela thepi nkarhi wun'wana emakaya ya n'wina.

²¹⁵ Xiyisisani leswi, sweswi hi kuma leswaku hi yena muhumeleri lonkulu. Kutani ha n'wi kuma endzhaku kufikela laha yena a vaka muhumeleri lonkulu, kufikela laha a nge, "Ndzi na swotala!" Jaha, u endliwile munhu wa xiviri wa siku leri. Xana a ngari tano xana? "Na switlati swa mina swikukumukile, swabuluka. Nakona ndzi na swotala kukondza ndzi ku, 'Oho, moyo, famba u ya wisa.'"

²¹⁶ Kambe, leswi a nga swi endla ekusunguleni, u arile vurhangeli bya Yesu Kreste. Kereke ya yena, vutlharhi bya yena, dyondzo ya yena, na hinkwaswo, swi n'wi yisile eka kuva a humelela. Mayuda hinkwavo a va n'wi rhandza. A va nyikela, a va pfuna, a nga hava a endlile *leswi*, *sweswo*, *kumbe* *swin'wana*. Kambe, ma swi vona, u arile vu—vu—vu vurhangeli bya Yesu Kreste, la nga Vutomi lebyi nga Heriki. Kutani sweswo... Bibele yi teri, U teri, "Wena xiphukuphuku, vusiku bya namuntlha moyo wa wena wa laveka."

²¹⁷ Sweswi hi n'wi kuma (eka ndhawu yin'wana) etiheleni; a tlakusile mahlo ya yena nakona a vona mukomberi yaloye, loyi a nga n'wi tlherisa exitarateni, ari exifoveni xa Abraham. I xihoxo lexikulu njhani! Hilaha tikereke a tiri—tiri—tiri—tiri—tiri kahle hakona hi ndlela leyi a va yi famba, kambe hambi swi ri tano a ti ngari na Vutomi lebyi nga Heriki.

²¹⁸ Swi ndzi tsundzuxa hi nchumayelo wun'wana ndzi nga wu chumayela kwalahawani kungari khale ngopfu hi, *Ku Ehleketa Hi Filthara Ya Munhu*. Mi nga hava mi wu twile. A ndzi ri ekufambeni, ndzi famba enhoveni, a ndzi ri karhi ndzi hlota vamaxinjani (eka ku hela ka nguva leyi) kutani ndzi langutile ehansi. Kutani, hakunene, ndzi ngaka ndzi

nga yi vuli khampani ya tisigarete. Ma yi tiva. Lahaya a ku tshamile phakiti ra—ra sigarete ri tshamile lahaya. Ntsena ndzi ri hundzile, ndzi langutele... enhoveni. Kutani ndzi vonile phakiti lero ri ri lahaya ehansi, ndzi tlhele ndzi languta nakambe, ri ku, “Ku ehleketa hi filthara ya munhu, nantswo wa ku zaha ka munhu.” Ntsena ndzi sungurile ku famba enhoveni.

²¹⁹ Nakona Moya lowo Kwetsima wu ku, “Tlhela u ya ri rhwalela.”

²²⁰ Ndzi korhamile ndzi ri teka, “Ku ehleketa hi filthara ya munhu, nantswo wa kuzaha ka munhu.” Ndzi ehleketa, “Feme ya Amerika leyi yi nga lahwani, yi xavisa rifu hi ku kucetela ka vuxisi, eka vaaki lava va nga va rona n’winyi Amerika.” Ku ehleketa hi filthara ya munhu? Wena... Na nantswo wo zaha ka munhu?

²²¹ A ndzi ri eka World Fair, na Yul Bryan... Brynner, na vona lava va nga kwalahaya, loko ari karhi a va ringisa hinkwavo ka vona. Ni hilaha a nga vekela sigarete yin’we niku humesa... ku rhendzeleka hi mavula nikuva a teka... A sula nikhotheni a yi tota enhlanini wa kondlo, kondlo ro basa, kutani hi nkombo wa masiku a ri tele hi mfukuzani a ri nga ha koti na ku famba. Kutani va ku, “Ma swi tiva, va ri ‘filthara,’” a ku, “yo va mano, yo xavisa tisigarete to tala.”

²²² Swi teka nikhotheni yo tala ku enerisa javulosi yaloye. Hi swona sweswo. Kutani ni loko mi teka sigarete leyi yi nga filthariwa, yi teka kwalomu ka mune wa tisigarete kuva yi teka ndhawu ya yin’we. I mano ya vuxisi ku ku xavisela tisigarete to tala. A wu ngevi na wona musi handle kaloko u ri na thari; nakona thari, u na mfukuzani. Ma swi vona leswaku swi njhani? Na ma Amerika ya mabofu, ya langutele mpfundla leswaku wu bulumuka hi kun’wana ka xihuku, va wu wela. U ngaka u ngavi na wona; i rifu, a ndzi na mhaka ni leswaku mi famba hi ndlela yihi, i rifu hi ndlela yin’wana na yin’wana leyi u nga ta famba hi yona. “Ku ehleketa hi filthara ya munhu,” munhu loyi a ehleketa a nge zahi, hi swona, loko ari na miehleketo yin’wana.

²²³ Kunene, a ndzi ehleketa leswaku sweswo swi nga fambisana na tikereke. Wa vona? Ndzi ehleketa leswaku, xana Xikwembu xi ngava xiri na filthara? Ina.

²²⁴ Nakona kereke yin’wana na yin’wana yi na filthara. Hi swona sweswo. Vasefa leswi swi nghenaka, va tlhela va pfumelela vunyingi bya rifu byi nghena na byona.

²²⁵ Xana u nga yi humesa njhani dinominexini eka Filthara ya Xikwembu? U nga swi endlisa ku yini? U nga n’wi humesa njhani wansati loyi a nga boba misisi hi Filthara yaleyo? Ndzi byeleni. U nga n’wi humesa njhani wansati loyi a nga ambala swileke Kwalahaya, loko “Kuri manyala eka yena ku ambala

nguvu leyi yi fambelenaka na ya wanuna”? Wa vona, Filthara ya Xikwembu yi ta n’wi khoma kwalahaya, Yi ngaka yi nga n’wi pfumeleli a nghena. (Kambe kereke yi na tifilthara ta yona.) Swingaleswi ndzi vula leswaku kuna ku ehleketa hi Filthara ya munhu, yaleyo i Rito ra Xikwembu, nakona Ri ringanelia nantswo wa munhu loyi a kwetsimaka. Hi swona sweswo, munhu loyi a kwetsimaka; kungari munhu wa kereke, kambe nantswo wa munhu loyi a kwetsimaka. Hikuva Ri tengile, ra kwetsima, Rito ra Xikwembu leri ri nga hungukiwangiki! Kuna ku ehleketa hi Filthara ya munhu. Nakona membara ya kereke, ndzi ku tsundzuxa ku tirhisa Yona yaleyo.

²²⁶ Hikuva ya tisa emisaveni, nakona buwa rin’we ra yona i rifu. Buwa rin’we ra comela, comela xin’we lexintsongo xi endla comela xa buwa hinkwaro. “Loyi a nga ta hunguta Rito rin’we eka Lawa, kumbe ku engetela rito rin’we eka Rona, xiphemu xa yena xi ta susiwa eka Buku ya Vutomi.”

²²⁷ Entangeni wa Eden, i ncini xi nga va nga rifu, na hinkwawo maxangu lawa, xithlavi xin’wana na xin’wana xa mbilu, ku fa ka xihlangi xin’wana na xin’wana lexintsongo, njele yin’wana na yin’wana enkolweni, ambulese yin’wana na yin’wana leyi yi rilaka, xibedlhele xin’wana na xin’wana, sirha rin’wana na rin’wana? Swi hikuva Evha a kanakanile Rito rin’we (kungari hinkwaro ka Rona), ntsena ri lo Ri encenyeta. Sweswi, Xikwembu xi teri, “Munhu,” lahaya, “u fanela ku hlayisa Rito rin’wana na rin’wana ra Xikwembu.” Sweswi, ya lawa i masungulo ya Bibebe.

²²⁸ Exikarhi ka Bibebe, Yesu a ta, kutani A ku, “Munhu angaka a nga hanyi hi vuswa ntsena, kambe hi Rito rin’wana na rin’wana leri ri humaka enon’weni wa Xikwembu.” Kungari ntsena xiphemu xa Wona, rin’wana na rin’wana.

²²⁹ Ekuheteleleni ka Bibebe, Nhlavutelo 22, Yesu u nyika vumbhoni bya yena N’winyi. Nhlavutelo wa—wa Bibebe i ka Yesu Kreste. Nakona U teri, “Loyi a nga ta hunguta Rito rin’we eka lawa ya nga lahwani, kumbe ku engetela rito rin’we eka Rona, xiphemu xa yena xi ta susiwa eka Buku ya Vutomi.”

²³⁰ Sweswi, mi ya eka ku ehleketa ka Filthara yaleyo ya munhu, mi tava na ku ringa ka munhu *yaloye* wo kwetsima loko u ta huma u ri Kwalahaya. Hi swona. U tava na nantswo wa vukwetsimi.

²³¹ Sesi, wena loyi u ambalaka swiambalo leswi, ehleketa hi swona. U ya eku... Mi ri, “Ndzi tengile eka nuna wa mina.” “Ndzi tengile eka jaha ra mina.” “Ndzi nhwana loyi a tenegeke.” Kambe mudyohi *yaloye* yena ke a nga ku languta? Loko a hlamula hi ta vuoswi, i mani a swi endleke? Wa vona, u tava na nandzu. Wa swivona swi tsariwile eRitweni, swingaleswi i... Wa vona? Oho, va na wansati wo ehleketa. Va na wo ehleketa...

²³² Mi nga ha ku, "Ri nga hava . . ." Kunene, ku nga humelela yini loko swi nga humelela hi ndlela yaleyo? U vule tano, nakona Rito rin'we ri ngaka ri nga hluleki. Wa vona?

²³³ Munhu wa kahle u ndzi byerile kungari khale, a ndzi vitaneli ekamareni ra yena, a ku, "Ndzi ya eku ku tlhandlekeni ka mavoko, Makwerhu Branham. U mbundzumuxa ministri wa wena, loko u chumayela swilo swo kotisa sweswo."

²³⁴ Ndzi ku, "Ministri wun'wana na wun'wana lowu wu nga na Rito ra Xikwembu wu ta mbundzumuka, wu fanele ku mbundzumuka." Wa vona?

²³⁵ A ku, "Ndzi ta ku tlhandleka mavoko." A ku, "U rhumeriwe ku ta khongeleta vavabyi."

²³⁶ Ndzi ku, "Wa swi pfumela swilo leswi, makwerhu?"

A ku, "Ee. Kambe a hi mhaka ya hina."

Ndzi ku, "I mhaka ya mani, seni?" Wa vona?

"Kunene," a ku, "yaleyo i mhaka ya mufundhisi."

²³⁷ Ndzi ku, "Languta eka nhlengeletano." Ahaa. Hi swona sweswo. Wa vona?

²³⁸ Lembe rin'wana na rin'wana ndzi hundza ndzi swi khumbha swilo leswi hi ku chumayela, kutani ndzi ehleketa leswaku, "Hakunene va Ri kuma," lembe leri ri taka ndzi vuyile, a kuri na votala vo tlula kusungula. Wa vona? Hi swona sweswo. Swi ya swi kombisa leswaku "Votala va lo vitanika kambe lavantsongo va lo hlawuriwa."

²³⁹ Vurhangeri i bya Moya lowo Kwetsima, munghana. Wu ku fambisa niku ku fambisa eka Ntiyiso hinkwawo, loko Yena Moya lowo Kwetsima a ta. Sweswi ehleketa hi sweswo. Teka ku ehleketa hi Filthara ya munhu, yaleyo i Bibele. Kungari mukhuva wa n'wina, kungari kereke ya n'wina; u ta lahleka. Teka ku ehleketa hi Filthara ya munhu.

²⁴⁰ Kwalaho hilaha jaha leriya ri nga ehleketa tangiki. U tekile filthara ya kereke. A va wa ndhuma, munhu lonkulu, "Kambe atiheleni u tlakusile mahlo ya yena, a ri eku xanisekeni."

²⁴¹ Sweswi mi teka ku ehleketa ka Filthara ya munhu, Yesu Kreste, a nga Rito, nakona u ta tsakela ku ringa ka munhu wo kwetsima, hikuva Ri ta swi enerisa sweswo. Loko u ri na Moya lowo Kwetsima endzeni ka wena, Leswi swa swi enetisa.

²⁴² Loko Moya lowo Kwetsima wu ngari kona lahaya, mi ri, "Oho, kunene, a ndzi kali ndzi ehleketa leswaku sweswo swi ngava swi hambanile." Languta leswi u nga swi endla lahaya! Swa fana ni leswi Evha a nga swi endla. U tlhelele endhawini yaliya ya khale.

²⁴³ Sweswi a hi yeni nyana emahlweni. Sweswi a hi tekeni . . . tshikani munhu yaloye kwalahaya, loyi a nga tirhisangiki Filthara ya munhu. U arile ku amukela vurhangeri bya Yesu Kreste, kuya eka Vutomi lebyi nga Heriki.

²⁴⁴ Sweswi a hi tekeni xifumi xin'wana, n'wa-mabindzu lontsongo, mufuwi na nkateko wun'we na lowu wanuna loyi ari na wona. Kutani ku Ri amukela, u amukerile vurhangeri bya Kreste. Sweswi, kuna vambirhi va vona eBibeleni lava hi yaka hi ya vulavula hi vona. Loyi un'wana ha n'wi vona loko a Ri ala, sweswi a hi tekeni wanuna loyi: xifumi xin'wana, n'wa-mabindzu lontsongo, nakona mufuwi. Nakona u amukerile Vurhangeri.

²⁴⁵ Matsalwa ya hi byela hi nakulorhi loyi, loko mi lava kuya tsala ehansi, eka Vaheveru 11:23 kufika eka 29.

...hi ku pfumela, Muxe, *u arile ku vuriwa n'wana wa n'wana wa Faro lowa nhwana;*

A va a tihlawulela ku xaniseka swin'we na tiko ra Xikwembu...

A ringanisa leswaku xisandzu xa Kreste i rifuwo leri tlulaka xuma xa Egupta:...

²⁴⁶ Wa vona, u amukerile Vutomi lebyi nga Heriki. Muxe u tihlawulerile ku—ku—ku xaniseka swin'we na Kreste kutlula xuma hinkwaxo xa misava leyi a yi ri na xona. Muxe u tihlawulele Sweswo leswikulu swinene. Sweswi, munhu loyi wa xifumi a nga swi endlanga.

²⁴⁷ Nakona Muxe ari xifumi, mufuwi lontsongo, leswaku a va Faro. Ari n'wana wa Faro, nakona ari mudya—ndzhaka wa xiluvelo. Nakona u langutile eka leswi swi nga kotekiki, ntlawa wa vapfushi va ridaka, ntlawa wa mahlonga. Kambe hi ripfumelo u vonile xitsembhiso xa Xikwembu, hi Rito, “Leswaku vanhu va yena va ta luvela etikweni rimbe kuringana mune wa madzana wa malembe, kambe va ta humesiwa hi voko ra matimba.” Kutani a tihlawulela Sweswo (haleluya) a ringanisa leswaku rifuwo lerikulu ri tlula xuma xa Egupta, hikuva u siyile Egupta a ngari eku switiveni leswaku u ya kwihi. U rhangeriwile hi Kreste. A tshika!

²⁴⁸ Nakona nkondzo wa yena a wuri exilovelweni, nakona a nga hava—hava Faro loyi a landzela eEgupta. Kambe a ringanisa xisandzu xa Kreste. Xisandzu! Leswaku a vitaniwa “yaloye o ka a nga twisisekiki,” a vitaniwa “bayizani,” leswaku a teka ndhawu ya yena na vapfushi va ridaka na vabayizani; hikuva u swivonile leswaku awara, leyi Matsalwa ya nga tshembhisa ku ya hetisia, a yi fikile kwalaho.

²⁴⁹ Kutani O kereke, pfukani! Xana a mi voni swo fana madyambu ya namuntlha xana? Awara leyi yi nga tshembhisiwa yile ka hina. Ringanisa xisandzu xa Yesu Kreste lexi xi nga na rifuwo lerikulu kutlula xinakulobye xa hinkwaswo; loko swi teka tatana na manana, kereke, na swin'wana. Landzelelani vurhangeri bya Moya!

²⁵⁰ A hi landzelelani Kreste loyi xinkadyana, Muxe loyi, xinkadyana, loyi a nga swi endla sweswo; a hi hlaleleni

vutomi bya yena. Xo sungula, loko a tava a amukerile ku teka xisandzu xa Kreste niku tshika dyondzo ya yena, a tshika vutlharhi bya yena hinkwabyo... A dyondzisiwile vutlharhi hinkwabyo bya Maegipta. Na hinkwako ku duma ka yena, xiluvelo xa yena, nhonga ya yena ya vuhosí, vuhosí bya yena, harhi ya yena, hinkwaswo leswi ari na swona, u swi arile!

²⁵¹ Kutani nakulorhi loyi lon'wana u swilavile, kutani ala Kreste; nakona munhu loyi a ala sweswo, kutani a amukela Kreste. Kutani hi xihatla ku humelele yini? A fanele ku tiava yena n'winyi.

²⁵² Haleluya! Rito leri rivula leswaku "A ku dzunisiwi Xikwembu xa hina!" Swi bihe ngopfu kuva hi ri rivala.

²⁵³ U arile swiluvelo na ku duma. A nga hava na swinwenyetani ha... vasati hi madzanadzana, nakona a nga hava na tinhonga ta vuhosí ehansi ka Egipta, a fuma misava! Misava a yi ri eminkondzweni ya yena, nakona ari mudyandzhaka eka hinkwaswo swa yona. Kambe hi ku languta eka Matsalwa niku vona siku leri a hanya eka rona, niku tiva Nchumu walowo lowu wu nga endzeni ka yena, Mbewu yaleyo yi nga hlawuriwa khale ya Xikwembu yi yile kutirheni!

²⁵⁴ A ndzi na mhaka ni leswaku u dume ku fika kwihi, kumbe hilaha eka *leswi* u nga vaka xiswona, u nga hava xirho xa yukhongeri xa mfumo, u nga hava mufundhisí, u nga hava *leswi*, *sweswo*, kumbe *swin'wana*, kambe loko Rito lero ra Vutomi lebyi nga Heriki hi Rito ra Xikwembu ri xiximiwile eka wena, nakona u vona nchumu wuri ekusuhi, wu ya wu ya tirha, wu fambissa xisweswo. [Makwerhu Branham a thokoza tintiho ta yena nkarhi wo hlaya—Muhleri.] Swi sungula ku huma! U sungula ku Ri kuma!

²⁵⁵ Nakona u arile ku vitaniwa n'wana wa Faro wa n'wana wa n'wanhwana, hikuva a ringanisa xisandzu xa Kreste kuva rifuwo lerikulu kutlula xuma hinkwaxo xa Egipta kumbe misava. U ringanisile Sweswo. Langutani leswi a nga swi endla, u Ri landzelerile. Ehenhla, hi xihatla a va a vekiwile etlhelo hi vanhu va yena, vanhu lava va nga tshama va n'wi rhandza.

²⁵⁶ Ri nga ha ku tekela ni hinkwaswo leswi u nga na swona. Ri nga ha ku tekela kaya ra wena, Ri nga ha ku tekela vunghana bya wena, Ri nga ha ku endlela ntlawwa wa huwa na mpongo, Ri nga ha ku tekela ndhawu ya wena a Kiwanis. Ri nga ha swi endla. A ndzi switivi leswaku Ri nga ha mi tekela yini, kambe Ri nga ha mi tekela hinkwaswo leswi misava kumbe leswi fambelanaka na misava. U ta fanela ku tiava wena hi wexe eka hinkwaswo leswi swi nga swa misava. U ta fanela ku swi endla.

²⁵⁷ Muxé u vekile hinkwaswo etlhelo kutani a ya emananga na nhonga evokweni ra yena. Amen! Masiku na masiku ya hundza. Nakona swa hlamarisa loko a ehlekete leswaku u endlile xihoxo? Ee.

²⁵⁸ Minkarhi yo tala vanhu va sungula, kutani va ku, “Oho, ndzi ta swi endla. Ku kwetsima a kuve eka Xikwembu, ndza Ri vona!” U nge un’wana a ku hleka a ku endla xihlekiso, “Nkarhi wun’wana a ndzi hoxisile.”

²⁵⁹ U teri, “Lava va nga swi yimeriki ku xupuriwa i vana lava va nga hungukiwa nakona vangari vana va Xikwembu.” Wa vona, va pfuxiwa hi nyanyuko. Wa vona, mbewu leyi ndzi nga vulavula hi yona xinkadyana lexi xi nga hundza, moyo walowo a wu nga ri kona kwalaho ku sungula hi swona. A wu totiwile hi Moya, nakona u endlile muxaka hinkwawo. Oho, wena, va... Loko moyo wa wena wu totiwile, u nga ha... I wa ntiyiso, Moya lowo Kwetsima wa xiviri, nakona hambi swi ri tano u tava wa hari javulosi.

²⁶⁰ “Oho,” mi ri, “Makwerhu Branham!”

²⁶¹ Vaprofeta va mavunwa! Bibele yi teri, “Emasikwini yo hetelela ku tava na vaprofeta va vunwa.” Yesu u teri, “Ku ta pfuka vakreste va vunwa.” Kungari “va Yesu va vunwa,” sweswi, ku hava loyi a swi yimelaka sweswo; kambe i “vakreste va vunwa.” *Kreste* swi vula leswaku “loyi a nga na ntoto.” Mutotiwa wa vunwa; va totiwile, kambe i va vunwa emasunguleni ya swona, nakona va endla masingita lamakulu na swihlamariso, va vulavula hi tindzimi, va cina vari eMoyeni, va chumayela Evhangeli.

²⁶² Yudas Iskariot u swi endlile na yena! Simeon... kumbe ee, ndzi khomeleni... Khefasi u profetile! Balaam, mutikukumuxi! Hakunene, u endlile masingita hinkwawo, hinkwaswo, hinkwawo mapfhumbha ya vukhongeri.

²⁶³ Kambe, ma swi vona, loko u vekela mbewu ya mfava na mbewu ya koroni eka bede yin’we nakona u ticheleta u ti tota hi ntoto, havumbirhi ti ta tsaka. Havumbirhi ti ta kula ha wona, hi mati man’we. “Dyambu ri vangamela lavo lulama ni lava va nga lulamangiki, na mpfula yi nela lavo lulama ni lava nga lulamangiki, kambe hi mihandzu mi ta va tiva.” U nga tshika njhani ku fola na Rito? Amen. Ma swi vona leswi ndzi swivulaka xana? “Mati ya nela lavo lulama ni lava nga lulamangiki,” vatotiwa.

²⁶⁴ Yesu u teri, “Vatata eka Mina hi siku lero, va ku, ‘Hosi! Hosi! Xana a ndzi hlongolanga madimona xana? Xana a ndzi profetanga xana? Xana a ndzi endlaka mintirho leyikulu hi Vito ra Wena xana?’” U ta ku, “N’wina vatirhi va leswo homboloka, sukani eka Mina, a Ndzi mi tivanga. Fambani eka tihele leti nga heriki leti ti nga lulamiseriwele javulosi na tintsumi ta yena.” Ma swi vona? I Rito ra njhani! Va vunwa. Va gandzela swa hava, va tikarhatela swa hava. Hikokwalaho ka yini u swi endla sweswo laha u nga fanelangiki ku swi endla? Hikokwalaho ka yini u teka xincinciwa loko Matilo ya ha tele hi leswa xiviri? Wa vona? A wu fanelanga ku swi endla sweswo.

²⁶⁵ Sweswi hi kuma Muxe ari na ntoto, a kuri hava lexi a xi ta n'wi tlherisela endzhaku. Vamakwavo lava nga va yena va n'wi tekela ehansi; sweswo a swi kalanga swi n'wi yimisa. U yile emahlweni emananga. Kutani siku rin'wana kwalahaya, u hlanganile na Xikwembu ngohohe hi ngohohe, hi Langavi ra Ndzilo leri ari nembelela exihlahleni. Xi ku, "Muxe, hluvula tintanghu ta wena, misava ley i nga yima eka yona ya Kwetsima. Hikuva Ndzi twile swirllo swa vanhu va Mina, nakona Ndzi twile ku konya ka vona, nakona Ndzi tsundzukile xitsembhiso xa Mina xa Rito. Kutani Ndzi ehlela ehansi, Ndzi ta ku rhuma u ya lahaya u ya va humesa." Hakunene. U hlanganile na Xikwembu ngohohe hi ngohohe, u vulavurile na Xona. A lerisiwile hi Xikwembu.

²⁶⁶ Xikwembu xi vuya, Langavi lero ra Ndzilo leri ri nga rin'we, kutani ri tiyisisa muprofeta loyi a yimile entshaveni; ku ta khorwisa leswaku hi swona, loko Xi ta teka mavoko ya xona kutani xi endla tinxaka ta mahlori na swin'wana. Oho, a vari na vaencenyeti. Oho, hakunene. A kuri na Yambri na Yanne, va nga yima kwalaho, va endlile swo fana ni leswi va nga swi endla. Kambe i mani la nga sungula? Wa vona? Xana swi sungule kwihi? Xana swi huma eRitweni? Xana a swi ri swa awara xana?

²⁶⁷ Nakona ma swi tiva leswaku swo fana na sweswo swi tshembhisiwile eka masiku yo hetelela xana? "Hilaha Yambre na Yanne va alelke Muxe hakona, swi tava tano ni vanhu lava, va nga lava va boleke ku anakanyeni ka vona eka Ntiyiso." Wa vona, emasikwini yo hetelela. Nakona va endla swo fana, (va encenyeta hinkwaswo), ntsena va ya emahlweni eka nkova wun'we wa mati ya thyaka, "Honci yi ya eka ku puluvudza ka yona, na mbyana eka mahlanta ya yona."

²⁶⁸ N'wina Mapentekostal lava va humaka eka minhlangano ya vona malembe lawa ya nga hundza mi tlhela mi yi rhukana, vatatana va n'wina na vamanana; mi tlhela mi jika mi tlhelela endzhaku mi ya endla swo fana ni leswi va swi endleke, kutani sweswi kahari ku puluvundza kun'we na mahlanta. Wa vona? Loko swi endlile Kereke yi swi hlanta eka nguva ya khale ya Pentekostal, swi ta swi endla leswaku Ri swi hlanta kambe namunthla. Wa vona? Swi fanele kuva tano, hambi loko, kuri xikamba, xi fanele ku ta. Xichocho xi ngaka xi ngavi xona xiri xoxe; xikamba xi fanele ku ta, wa vona, xirhwali. Sweswi hi hanya eka masiku lawa yo *hetelela*, langutani swilo leswi swi nga tshembhisiwa swa awara.

²⁶⁹ Langutani ku tiyisisa ka Muxe eka leswi. Wa tiva! Loko a huma lahaya, van'wana va vamakwavo lava va nga va ka vona va n'wi hundzulukela, va lave ku endla nhlangano. Va teri, "U endla tani hiloko u ri wexe munhu loyi a kwetsimaka exikarhini ka hina." "Nhlenegetano hinkwayo ya kwetsima," ku vule Korah, Dathan. "A hi tihlawuleleni vavanuna va hina hi endla swin'wana."

²⁷⁰ Muxe, yena...Ndzi twe ndzi n'wi twela vusiwana. U rhelerile ehansi, a ku, "Hosi..." A wela ehansi emahlweni ka altari a ku, "Hosi!"

²⁷¹ Xikwembu xi ku, "Tiave wena n'winyi eka vona. Ndzi ringanile ha swona." Ntsena xi pfurile misava xi va mita. Hiswona sweswo. Wa vona, a tiva leswi a nga lerisiwa swona.

²⁷² Xikwembu a xi tirhani na minhlangano, a Xi tirhani na mintlawa. Xi tirhana na un'we ha un'we. Hi swona. Minkarhi hinkwayo. Kungari mintlawa; ha un'we un'we, munhu un'we. Emasikwini yo hetelela, Xi teri, "Ndzi yimile enyangweni ndza gongondza, nakona loko munhu un'wana..." (kungari "ntlawa") "...munhu un'wana na un'wana loyi a nga ta yingisa Rito ra Mina, Ndzi ta...ni kuva a Ndzi yingisela, Ndzi ta nghena eka yena ni lalela." Wa vona, "Loko munhu un'wana na un'wana a yingisa."

²⁷³ Swi nga endlekisa—swi nga endlekisa ku yini xiteka-marito lexi xi humesa rito ra mina ehandle lahaya handle kaloko xi endleriwe sweswo? Ndzi nga ha huwelela ku langutana na bodo yaleyo, hi matima ya mina hinkwawo, nakona yi ngaka yi nga endli nchumu. Hikuva lexi xi hlawuriwile, xi endliwa, xitumbuluxiwa, xiteka-marito. Nakona loko Rito ra Xikwembu ri ri eka n'wina kusukela eka ku hlawuriwa hi Xikwembu, eka n'wina, "Nyimpfu ya Mina yi yingisa Rito ra Mina. Ti tiva awara ya Mina. Ti ngaka ti nga landzeleri xita-xifamba." Wa vona? Swi fanele kuva sweswo kusungula. "Hinkwavo lava Tatana a nga Ndzi nyika vona, va ta ta." Un'wana na un'wana wa vona, wa vona.

²⁷⁴ Sweswi u ya emahlweni, emakun'wini ya vutomi lahwani. Ntsena u hundzile... Lemukani loko a ta emakun'wini ya patu.

²⁷⁵ Kutani ha pfala sweswi hikuva i vusiku, makume mbirhi-ntlhanu wa timinetse ku bile awara ya khume. Lemukani. Sweswi, akaya i mixo. Kwalomu ka awara ya mbirhi kumbe ya nharhu hi sungula ku vula leswaku, "Hi ri, ri va ri perile nyana." Wa vona? Wa vona? Kambe sweswi, ndzi chumayerile vusiku byo tala, vusiku hinkwabyo.

²⁷⁶ Paul u chumayerile Evhangeli yo kotisa yaleyi hi siku ra yena, kutani jaha riwa kusuka e—e khumbhini a fa. Kutani Paul, hi ntoto walowo, hi Evhangeli yin'we, u tlakurile miri walowo, a tlhela a hanya nakambe. A vari na ku tsakela. Kereke a yi vumbiwile. Swin'wana a swi teka ndhawu. Lemukani leswi swi nga teka ndhawu lahwani.

²⁷⁷ Muxe, loko a ta...

²⁷⁸ Xifumi lexi, loko a ta, kumbe, mufuwi lontsongo loyi hi vulavulaka ha yena, eka vukhongeri hinkwabyo, na ku nghena kereke na hinkwaswo, swikahle, wo dyondzeka, n'wa-mabindzu wa kahle, na hinkwaswo, loko a fika emakumu ka patu, u sungurile ku tlhava mukhosi, "Kuri hava laha a

nga kandziyaka kona!” Byi kwihi vurhangeri bya yena? A rhangeriwa hi kereke ya yena, leyi yi nga fa. U rhangeriwile hi misava leyi yi nga fa, nakona kwalahaya a kuri hava ka yena ko kandziya kona handle ka laha misava yi nga n’wi lulamisela kona: atiheleni.

²⁷⁹ Kambe lahawani ku ta Muxé, nandza wo tshembheka loyi a nga ringanisa leswaku xisandzu xa Kreste i rifuwo lerikulu kutlula hinkwaxo xuma xa Egipta. U fikile emakumu ya patu, a ri mukhalabya, wa malembe ya dzana na makume mbirhi wa malembe hi vukhale. U gonyile ntshava, nakona ari karhi a switiva leswaku rifu ri etlele emahlweni ka yena, kutani a languta etikweni ra xitshembhiso. Kutani u langutile; hi le tlhelo ka yena, a ku tshamile Murhangeri wa yena, ku nga Ribye. U gonyele ehenhla ka Ribye, kutani Tintsumi ta Xikwembu ti n’wi rhwala tifamba na yena eVukwetsimeleni—eVukwetsimeleni bya Xikwembu, eswifuvu swa Xikwembu. Hikokwalaho ka yini? Endzhaku ka nhungu wa madzana ya malembe, a ha rhangeriwa hi Murhangeri wa yena hambi swi ri tano.

²⁸⁰ Ha n’wi kuma eNtshaveni ya Nkwetsimo, a yimile kwalahaya na Eliya, va vulavula na Yesu A nge siya exihambanweni, nhungu wa madzana wa malembe endzhaku ka rifu. Un’wana Loyi a—a nga ringanisa, kusandziwa ka ministri wa yena, leswaku wu na rifuwo lerikulu kutlula ku duma hinkwako ka misava na mali hinkwayo ya misava, Murhangeri wa yena a ha ri eku n’wi rhangeleni. Oho, mina! U rhangeriwile! Murhangeri wa yena, U n’wi rhangerile kuya eka rifu, mindzhuti ya rifu. U rhangeriwile ku ya esirheni. Endzhaku ka madzana ya malembe, kwalahaya a yimile nakambe hikuva, tani hiloko a hari muntschwa, u hlawurile vurhangeri bya Moya lowo Kwetsima. Vito ra yena ri tava ri ri kahle loko ku nga hari na Egipta nakambe na xuma. Loko tiphiramidi ti ri ritshuri, ni loko Egipta ri nga ha ri Egipta nakambe, Muxé u tava loyi a nga ha hundzeki exikarhini ka vanhu hikuva u amukerile vurhangeri bya Kreste ematshan’wini ya ku famba hi ndlela leyi kereke ya yena yi swi lavisaka xiswona.

²⁸¹ Kuna van’wana lava va nga endla swo fana. Langutani eka Enoko. U fambile na Xikwembu ku ringana ntlhanu wa madzana ya malembe, kutani u vile na vumbhoni bya leswaku “U tsakisile Xikwembu.” Xikwembu xi swi tiyisisile, kutani xi ku, “Kuhava xivangelo xo fa eka wena, ntsena vuya Ekaya ndzhengha lowu.” Kutani u fambile.

²⁸² Kutani Eliya. Endzhaku kaloko a tava a bile mpongo a bela vavasati vo boba misisi na swin’wana, tani hilaha a swi endleke hi siku ra yena, Vayizabele na tipende ta vona va nga titola, endzhaku kaloko a tava a korwile hi swona, nakona—nakona a endlile hinkwaswo leswi a nga swi kotaka, na vaprista va vona hinkwavo vari karhi va n’wi endla xihlekisi, na hinkwaswo,

u rhelerile ehansi enambyeni siku rin'wana. Nakona ntsena ku tsemekanya nambu akuri na tihanci tibohiwile exihlahleni kwalahaya, golonyi ya ndzilo na tihanci ta ndzilo. U khandziyile eka toni, kutani a hoxela nguvu ya yena eka muprefeta loyi a n'wi landzela, kutani a ya eTilweni. U amukerile vurhangeri bya Vutomi lebyi nga Heriki, hikuva ari Kreste loyi ari eka Eliya. Oho! Ina, nkulukumba!

²⁸³ A kuri yini xana? “Ndzi landzi!” Sweswi mi boheka ku hlawula murhangeri wa *n'wina*. Mi fanele ku n'wi hlawula, vanghana. Langutani eka nghilazi ya Xikwembu yo languta hi yona, yi nga Bibebe, nakona mi vona leswaku mi le kwihivusiku lebyi.

²⁸⁴ Xitorhi nyana. Xa xihlangi nyana, nkarhi wun'wana, xi hanyile etikweni. A nga se tshama a vona xivoni, nakona u tile edorobeni a ta vona muhulu wa yena. Nakona ari na kaya... nakona makaya ya fexeni ya khale a ya tolreveleke kuva na xivoni erivantini; a ndzi switivi loko mi swi tsundzuka sweswo kumbe mi nga swi tsundzuki. Kambe xijahetani lexi, a nga se tshama a vona xivoni. Swingaleswi a xi huhwa xi rhendzeleka hi yindlu, nakona u langutile eka... “Haa?” U langutile a vona xifanyetana xexo. Kutani xi yimisa voko, na xifanyetana xi yimisa voko ra xona. Kutani xi koka ndleve ya xona, na xifanyetana xi koka ndleve ya xona. Kutani xi ya emahlweni tani hi sweswo. A tshunelela, ekusuhi, hiloko a hundzuluka a ku, “Mama! Hi mina luya!” Hi mina.

²⁸⁵ U languteka njhani? U landzela mani? Xana hi endlile yini? Mi boheka ku hlawula *murhangeri* wa *n'wina*. Hlawulani namuntha. Mi hlawula Vutomi kumbe rifu. Ku hlawula ka wena ku ta hlamusela laha u yaka kona laha ku nga Heriki, leswi u swi hlawulaka. Tsundzukani, Yesu u teri, “Ndzi landzi.” Nakona ma rhambiwa vusiku lebyi ku ta swi endla. Nakona ku N'wi landza eka Vutomi lebyi nga Heriki u boheka ku ta hi nkarhi wa Yena, hi swona, ku nga Rito. Kungari ehenhleni ka mukhuva, kungari ehenhleni ka mavonelo ya vanhu, kungari ehenhleni ka ku ehleketa ka un'wana kambe ehenhleni ka Rona, kambe eka leswi Xikwembu xi swi vulaka ha Rona.

²⁸⁶ Mi ri, “Kunene, Makwerhu Branham, ndzi tiva wansati ntsena ari kahle ari hilaha a nga xiswona, u endla *leswi*. Ndzi tiva munhu loyi a nga fambisa xi *leswi*.”

²⁸⁷ Ndzi ngaka ndzi nga pfumeleli leswi va nga swi endla. Rito ra Xikwembu, U teri, “Rito ra munhu un'wana na un'wana a rive vunwa, kutani ra Mina ri va Ntiyiso.” Mi fanele ku ta hi nkarhi wa Xona, mi ta hi swiyimo swa Xona, ku nga Rito. Mi ngaka mi nga ti hi mukhuva. A mi nge swikoti kuta hi dinominexini. A mi nge swikoti ku Ri pfanganyisa tani hi sweswo. Kova na nchumu wun'we ntsena lowu mi nga wu endlaka: ku Ri amukela hi minkarhi ya Xona, leswaku u

navela ku fa wena hi wexe na miehleketo hinkwayo ya wena, kutani mi N'wi landza. "Hambanani na swilo hinkwaswo swa misava, kutani mi Ndzi landza."

²⁸⁸ Ndza switiva leswaku ari tlangi, Hungu leri ri tsemaka, makwerhu. Kambe a ndzi tanga lahawani ndzi ta hlawulela vanhu hu-hu hungu ntsena ku ringeta kuva endla va yimbelela, va huwelela, va kolola. A ndzi ri eka tinhlengeletano ta vahedeni laha va nga endla swo fana. Ndzi le ku tsakeleni ka vutomi bya n'wina. Ndzi nandza wa Xikwembu loyi a fanelaka ku hlamula eka Xikwembu siku rin'wana, nakona ministri lowu Hosi yi nga ndzi nyika wona wu tiyisisiwile hi vumbhoni wona hi woxe magidi-gidi ya minkarhi emahlweni ka n'wina.

²⁸⁹ Tsundzukani, Yesu u teri, "Ndzi landzi. Ndzi landzi. Tshika leswi u nga na swona, kutani u Ndzi landza." Nakona yaleyo hi yona ndlela yi ri yoxe ya kuva na Vutomi lebyi nga Heriki. Walowo hi wona murhi lowu A nga wu nyika munhu loyi, hi wona murhi wuri woxe A nga wu nyika n'wa-mabindzu loyi, hi wona murhi wuri woxe A wu nyikaka un'wana na un'wana. Ku hlawula ka Yena, U endla xiboho xa Yena, xi hetisekile hi nkarhi wun'wana na wun'wana. Nakona hi boheka ku N'wi landza, hi yona ndlela yiri yoxe yo va na Vutomi lebyi nga Heriki. Swingaleswi vurhangeri bya Xikwembu i ku: landzelela Rito leri ri nga tiyisisiwa ra awara hi Moya lowo Kwetsima.

A hi korhamiseni tinhloko ta hina:

²⁹⁰ Ndzi ya eku mi vutiseni xivutiso, nakona ndzi mi lava mi tshembheka hakunene. Ndzi lava sesi a ndzi chayela leri ri nge, *Ndzi Twa Yesu A Ndzi Vitana*. Ndza switiva leswaku i nkarhi wa khale wa ku vitana lava va tweke rito. Kutani boti, sesi, tani hilaha hi swi vonaka, ntsena langutani leswi swi yaka emahlweni namuntlha. Sweswi na tinhloko ta n'wina leti ti nga korhama, ntsena ehleketa xinkadyana, mi languta leswi swi tekaka ndhawu.

²⁹¹ Mi kale mi nga hlaya phepha-hungu vhiki leri ri nga hundza hilaha wanuna yaloye wa le England a ngeteri? Leswaku "Ku vambiwa kwaloko ka Yesu Kreste a kuri ntsena ka xiphaza, ntsena ku bohiwile hi Pilato na Yena."

²⁹² Mi kale mi swivona leswi mu Amerika loyi wa ntivo-vukhongeri a swi vuleke? U vule leswaku "Yesu ntsena u lo etlerisiwa eka xihlahla xa swiziziharisi." Votala va n'wina va ntivo-vukhongeri ma swi tiva, endzhaku lahaya eka Geneza laha yi nga vulavula hi xihlahla xa swiziziharisi. Xi taku etlerisa kukotisa loko u file, mbilu ya wena yi ba hi ku tikeriwa kuringana ma mbirhi kumbe masiku manharhu hi nkarhi. "Kutani loko va ta N'wi nyika ntsuvi," va teri, "sweswo a kuri xihlahla xa xiziziharisi. Nakona va N'wi vekile lahaya esirheni,

kutani U etlerile kwalahaya ku ringana masiku manharhu. Kutani, hakunene, loko va tava va yile kwalahaya, va N'wi kumile ari karhi a tirhendzelekela.” Mi nga ha swivona sweswo? Va ntivo-vukhongeri, tiseminari, ripfumelo ro tiendlisa. Kutani hilaha a misaveni... Ndhawu yo sungula, Bibele yi teri U wu arile, loko va ta vekela ntsuvi enon’weni wa Yena.

²⁹³ Kutani nchumu wun’wana, loko sweswo swiri tano, hikokwalaho ka yini vadyondzisiwa lava “lava va nga ta va ta N'wi yiva,” hikokwalaho ka yini va nyika vutomi bya vona hi ku xanisiwa hikwalaho ka Yena? Ni kuwa, ni kuva va tihlayela kuva va nga fanelanga ku fa kukotisa leswi Yena a nga fisa xiswona; va va hundzuluxa va languta ehansi na le matlhelo eswhambanweni na swin’wana. Nakona loko va... switivile leswaku hi Yena mutikukumuxi na vona hi vox vari vatikukumuxi, a va tava va byi nyikele njhani vutomi bya vona eka Yena tani hi sweswo?

²⁹⁴ Oho, ma swi vona, i siku leri ra tintlharhi leri hi hanyaka eka rona. Dyondzo, nhluvuko, niku boha ka ximanguva lawa ka siku, hinkwaswo i swa javulosi. “Nhluvuko wa javulosi?” Ina, nkulukumba! Bibele yi vule leswaku wu tano. “Nhluvuko lowu i rifu. “Xana hi ngava na wona nhluvuko wo kotisa lowu eka misava yin’wana?” Ee, nkulukumba! Hi tava na muxaka lowu wu hambaneke wa nhluvuko. Dyondzo, hinkwaswo swilo leswi, i swa javulosi; sayense yi encenyeta swilo swa ntumbuluko, yi endla swin’wana.

²⁹⁵ Langutani leswi va nga mi endlela swona sweswi. Loko vanhwana... *Reader's Digest* yi ri, endzhaku ka vhiki... endzhaku ka nhweti leyi nga hundza, ndzi pfumela leswaku hi yona. *Reader's Digest* yi vule leswaku “Majaha na vanhwana va famba va hari vantsongo, vavasati vari eka vutswari byale xikarhini ka makume mbirhi na makume mbirhi-ntlhanu wa maleme hi vukhale.” Rixaka rin’wana, a ve ngevi nchumu handle ka... Swi ta chavisa ngopfu ku swi languta. Wa vona? Hilaha swivumbiwa swi nga tava xiswona, hi ntoloveloo, thyaka. Langutani—langutani moyo, langutani hilaha moyo ekerekeni wu nga na swona, ku hayibrida, ku tinghenisa eka vukati na misava. Oho, i awara ya njhani! Balekani, vana! Balekani! Balekelani eXihambanweni! Mi ta eka Kreste, mi pfumelela Yena a mi rhangela.

²⁹⁶ Loko ha ha korhamisile tinhloko ta hina, hi pfarile mahlo ya hina, nakona korhamisani na timbilu ta n’wina, hi nkarhi wuri wun’we. Mi ta swi endla xana? Ndzi lava ku mi vutisa xivutiso. Xana hakunene ma ti languta, eka Xikwembu? Nakona mi titwa mi ngari kona laha mi—mi faneleke kuva kona eka awara ley? Hikuva ku Vutliwa ku nga ha ta nkarhi wun’wana na wun’wana. Wa vona, ku ta ta.

²⁹⁷ Ntsena ku tava, loko—loko xitatimente xexo ndzi nga xi endla xinkadyana lexi xi nga hundza xi ri ntiyiso, kutava na

kwalomu ka ntlhanu wa madzana wa vanhu eka ku Vutliwa, lava va hanyaka, va ta ncinciwa. Hikokwalaho ka yini, ku tekiwa Vakreste hinkwavo kun'we, Makhatholiki na hinkwavo, kutava na ntlhanu wa madzana ya miliyoni ya vanhu, wa vona, va koxaka Vukreste. Nakona un'we eka miliyoni, ku ngava ntlhanu wa madzana wa vanhu. Ku na vanhu valava va lahlekaka masiku hinkwawo, kurbendzeleka hi misava, hi nga taka hi nga vahlayi. Wa vona, ku ta ta, nakona a mi nge switivi hambi kuri ku switiva. Vanhu va taya emahlweni niku chumayela, va taku... Wa vona, nakona hinkwaswo swi tava swi hundzile.

²⁹⁸ Tani hilaha Yesu a ngeteri. Va teri, vadyondzisiwa va teri, "Hikokwalaho ka yini vatsari va ku, va ku, 'Eliya u fanele ku ta kusungula'?"

²⁹⁹ A ku, "Khale a tile nakona a mi n'wi tivanga, kambe va n'wi endlele leswi va ngeteri va ta swi endla."

³⁰⁰ Wa switiva leswaku a wu kahle na Xikwembu, nakona u tsakela ku tsundzuxiwa eka... eka Xikwembu, leswaku Xikwembu xi ta tshamisisa mbilu ya wena yi va kahle na Xikwembu. Ntsena u nga ha titsongahata sweswi, eka xinkadyana nyana xexi, yimisani mavoko ya n'wina? A ndzi na mhaka ni leswaku u mani, u nga swi endla xana? Mi ri, "Ndzi ta yimisa mavoko ya mina eka Xikwembu." Xikwembu a xi mi katekisi. Xikwembu a xi mi katekisi.

³⁰¹ Ma languta a Xivonini xana? Ndza mi vutisa hi Vito ra Kreste, ma languta eka Xivoni xa Xikwembu xana? [Makwerhu a vulavula hi ririm i rin'wana. Makwerhu a nyika nhlamuselo—Muhleri.] Amen.

³⁰² Ndzi lava ku vutisa nchumu wun'we. I vangani lava va nga lahwani va nga Mapentekostal? Yimisani mavoko, lava nga Mapentekostal. Hi ku endla un'wana na un'wana wa n'wina. Sweswi, i vangani lava va nga lahwani va vulaka leswaku hi vona Vakreste? Yimisani mavoko ya n'wina, hambi u le kwihi, u koxaka kuva Mukreste. Xana ma switiva leswaku Bibele yi vulavula hi swona, leswaku leswi swi ta humeleta?

³⁰³ Hambi leswi swi nga humeleta eka Testamente ya Khale loko va ha hlamaleswaku va ta endla yini, hilaha va nga ta fambela ekule na hansahansa leyi yi taka. Moya wu wele ehenhleni ka munhu a profeta a tlhela a va byela laha va nga ta hlangana na nala kona, kutani njhani, ku nga ku hlula nala. Yaley a yiri Testamente ya Khale, yi fanaka na leyi Ntshwa.

³⁰⁴ Sweswi, un'wana a nga ha ku, "Munhu yaloye, oho, sweswo a swi tano." Kambe ku nga humeleta yini loko swi ri tano? Mi ri, "Oho, ndzi tshame ndzi switwa sweswo." Kambe ku nga humeleta yini loko *leswi* swo va tano? Ma swi vona, sweswo swa khorwisa leswaku eka lava va nga lahwani ku na

votala lava va lavaka ku nciciwa ka timbilu, loko sweswo kuri ku vulavula ka Moya lowo Kwetsima. Ku na swilo leswi swi lavaka ku endliwa, sweswi swi tano nale ka n'wina.

Ntsena tani hi mina, kuri hava na ku kombela
na kun'we,
Kambe Ngati ya Wena yi ndzi halekerile,
Nakona Wena wa kombela . . .

Sweswo hi leswi, Yena a nga mi vitanelia swona sweswi.
 . . . eka Wena,
 Wena Xinyimpfana xa Xikwembu . . .

"Ndzi ta susa mbilu ya leyo yo ka yi nga twi, kutani ndzi vekela mbilu ya nyama eka yona, leyi yi nga ta Ndzi yimela." Wa vona?

. . . tana!
Ntsena tani hi mina, hi ta Ku amukela,
Amukela . . .

Xana mi nga endla ku hlawula ka n'wina vusiku lebyi? Mi nga ha swi endlela laha mi ku lavaka.

. . . basisa.

Mi ri, "Ndzi tshame ndzi switwa sweswo." Kambe lowu wu nga hava wu ri nkarhi wa n'wina wo *hetelela* ku Ri twa.

Hikuva ndzi pfumela eka xitshehbhiso xa
Wena,

Fexeni ya khale ya lava va tweke rito, va humile eka xitayele namuntlha, kambe Xikwembu xa ha famba-famba eka vona. Xana a mi Xi twi xi famba-famba eka n'wina, kereke?

. . . ndza ta!

³⁰⁵ [Makwerhu Branham a sungula ku hama *Ntsena Tani Hi Mina*—Muhleri.] Oho, ehleketa, namuntlha, timbilu tiva maribye, ti tatiwile hi misava, hi ku hambanana, swirho swa kereke, ku kufumela, tani hi xifumi lexiya, mufuwi lontsongo; nakona a nga wu tivi Moya wa lowo wo Kwetsima lowu wu nga yima, wu gongondza eka Nguva leyi ya Laodekiya. "Loyi a nga ta yingisa Rito ra Mina (ku nga Rito), a pfula mbilu ya yena, Ndzi ta nghena eka yena kutani ndzi lalela na yena."

³⁰⁶ Nakona Moya wu vulavurile hi boti loyi eka timinetse tintsongo leti nga hundza, wu ku, "Ndzi ta humesa mbilu yaleylo ya ribye yi suka eka wena, kutani ndzi ku nyika mbilu ya nyama, u yi hlaysela Xikwembu." Langutani hilaha yi vaka xiswona sweswi, ntsena vu—vu vutlharhi, nyanyuko. Wa vona? Kungari mbilu leyi yi hlaysaka yi nga tala hi rirhandzu na ku titsongahata eka Kreste.

³⁰⁷ [Makwerhu Branham a sungula ku hama khorasi—Muhleri.] Xana a mi wu lavi muxaka walowo wa

mbilu xana? U ta n'wi kongoma njhani Kreste na mavonele ya vutlharhi eka Yena xana? Mi fanela ku amukela Vutomi lebyi nga Heriki.

...yi halakile...

Vululamiselo byi endliwile hi Ngati.

Nakona Yena wa kombela...

Xana U endlile yini? U halatile Ngati ya Yena. Nakona sweswi u le ku kombeleni ka n'wina leswaku, "Tanani."

...eka Yena,

Wena Xinyimpfana xa Xikwembu, ndza ta!

Ndza ta!

³⁰⁸ A hi, Mukreste un'wana na un'wana, ntsena a hi tlakuseni mavoko ya hina hi matlakusa hi miyerile sweswi hi khongela.

³⁰⁹ Wena Xikwembu, ndza kombela, Hosi, khoma siku leri hi hanyaka eka rona. Oho, swa tika, Tatana. Sathana ntsena u endlile swotala evanhwini. Timbilu ta vona ti hundzukile maribye. Moya wa Wena wa vulavula; Rito ra Wena ri ya emahlweni, ri tiyisisa; kambe fexeni ya khale, ntokoto lowu wu nga tswariwa ra vumbirhi, va... swi ta eka xidinominexini, mavonelo ya vutlharhi, vunyingi bya vunanga, vunyingi bya ku huwelela, na vunyingi bya kuya emahlweni. Kambe, hakunene, mbilu yaleyo ya nyama, Moya wa lowo, Vutomi byebyo lebyi nga Heriki, hakunene Byi va byimbe eka kereke.

³¹⁰ Xikwembu, swi tshova mbilu leyi yi nga ya mina, nakona mina tani hi—hi mudyohi ndzi ponisiweke hi tintswalo ta Wena. Swi ndzi endla ndzi nga titwi kahle, Tatana, ku vona kereke leyi U nga yi fela, kereke leyi U ringetaka ku yi kutsula. Ndzi ehleketa hi xivono lexi U nga xi nyika kereke ya United States na matiko laman'wana. Yi chavisa njhani ku yi languta yi "rock-and-roll" na ku hluvvula. Kambe kun'wana ndzi vonile yin'wana yi humelela yi ta, yi katekisiwile.

³¹¹ Ndza khongela, Tatana, leswaku loko kuri na un'wana eka lava va nga lahwani vusiku lebyi lava va nga hlawuleriwela eVuton'wini, kumbe va lavaka ku Ri amukela, leswaku leyi hi yona awara yo swi endla. Hi nyike swona, Hosi. Faya timbilu ta maribye sweswi, mbilu ya khale ya misava. Nakona loko va lava kurhula, va lava swin'wana leswi swi enetisaka, swin'wana leswi swi nyikaka xitshembhiso, leswaku va nga ha amukela vurhangeri bya Kreste vusiku lebyi ku va rhangela kuya eka—eka Kurhula loku ku hundzaka kutwisisa hinkwako, Ntsako lowu wu nga hlamuselekiki na ku tatiwa hi ku kwetsima, kumbe hambi kuri swin'wana leswi hambi kuri rifu rona hi roxe ri nga taka ri nga vavisi. Hi nyike swona, Tatana.

³¹² Sweswi, na mavoko ya hina lawa hi matlakuseke, ndza hlamala loko... I vangani lava va nga amuakwini sweswi va nga vulaka leswaku, "Ndzi ya eku yimeni." Sweswi, a ndzi

na mhaka ni leswaku i mani a nga tshama ekusuhi na wena; I Xikwembu xi vulavulaka na wena. Nakona hakunene u lava kuva Mukreste wa xiviri. Wa vona? Swin'wana na swin'wana swi... Handle kaloko sweswo kuri ku encenyeta; oho, ntsena swi nga ha antswa ndzi ya ehandle emisaveni. Ndzi pfumela leswaku mi nga swi endla, na n'wina.

³¹³ Sweswi, ntsena tikambeleni hi n'wexe hi Rito, hi Hungu. Kambela hilaha Mukreste wa ntiyiso a anelaka kuva hakona: wo khwaxa, wo rhandzeka, kungari un'wana wa Vukreste lebyi bya ximanguva lawa. Hikokwalaho ka yini, bya olova, a yi nonohwi, byi fe nyana, byi bola, byi brediwa. Wa vona, a hi Vukreste bya ntiyiso; u hanya hi ndlela ya muxaka wun'wana na wun'wana, nakona u va wa ha nghena kereke. A mi xi lavi xinakulobye xexo xo titsongahata na Kreste xana, a nga Moya lowo Kwetsima, laha ku nga...ku tiyisisa ka mbilu leyi yi nga ya n'wina eRitweni, tshunelani eka Kreste? Loko mi swi lava sweswo, nakona u tsakela Xikwembu leswaku u ti vona u yima vusiku lebyi eka ntlawa lowu wa vanhu, loko ntsena hi leswaku u ta swi endla.

³¹⁴ Mi ri, "Xana sweswo swi nga hava swivula swin'wana, Makwerhu Branham?"

³¹⁵ Oho, ina. Hakunene, swa humelela. "Loko mi ri na tingana ha Mina emahlweni ka vanhu, Ndzi tava na tingana ha n'wina emahlweni ka Tatana wa Mina na Tintsumi leto kwetsima. Kambe loyi a nga ta Ndzi vula ni kuva mi Ndzi yimela etikweni leri, Ndzi ta n'wi yimela eTikweni leriya. Ndzi ta n'wi vula emahlweni ka Tatana wa Mina."

³¹⁶ Sweswi, a swi khathaleki leswaku u mani, wansati, wanuna, jaha, nhwana, hambi u ngava u ri mani, Mukreste kumbe u ngari Mukreste, ministara, mudiyakoni, hambi u ngava mani, loko ntsena u nga pfumela hi mbilu ya wena hinkwayo, ntsena xinkadyana, niku endla swo hlaya vusiku lebyi ntsena ku pfumelela Xikwembu xi swi tiva leswaku u tshembhekile. "Xikwembu..."

³¹⁷ "Sweswi langutani, ndzi wa Pentekostal," mi ri. "Ndzi leswi," kumbe leswi u nga vaka xiswona. "Ndzi tivula ku cina eMoyeni. Kambe, Makwerhu Branham, ndzi ehleketa leswaku ntsena loko hi swi twile sweswo, hi Ri twile." A mi ri twanga.

³¹⁸ Loko mi ndzi pfumela kuva muprofeta wa Xikwembu, yingisani Marito ya mina. Wa vona? Byebyo i vuxisi bya siku leri. Xana Bibele a yi vulanga yi ku, "Ri tava ekusuhi swinene ri ta hambukisa na vona Vahlawuriwa loko swi nga koteka"? *Vahlawuriwa*, "kuya ehansi eka munhu wa le ndzeni."

³¹⁹ Kambe loko u cinile eMoyeni, hambi swi ri tano wa hari na swilo swa misava, kuna swin'wana leswi swi nga hoxeka. Loko u vulavula hi tindzimi; Paul u teri, "Ndzi nga ha vulavula hi tindzimi ta vanhu na ta tintsumi, nakona hambi swi ri tano ni

nga ponisiwanga." Aha, havumbirhi bya maendlelo, wa vona. "Ndzi nga ha endla minyanyuko hinkwayo, ndzi nga hava na ripfumelo, ndzi nga ha chumayela Evhangeli, ndzi nga ha nyika tinhundzu hinkwato ta mina ku ta phamela swisiwana, ndzi nga ha rhwala Rito ri ya emasin'wini ya mixinari ku rhendzeleka hi...nakona hambi swi ri tano a ndzo va nchumu." Wa vona? Hi swona sweswo swa le Ndzeni ka le ndzeni, makwerhu. Leswaku...Moya wa wena wa handzuka loko u fa, wa haha, kambe munhu wa wena wa le ndzeni wa hanya. Wa vona?

³²⁰ Sweswi tilanguteni hi n'wexe. Hakunene, xana u Mukreste wa xiviri wa Bibele, loyi a nga tala hi rirhandzu ra Xikwembu? Ma swi tsundzuka, leswaku Bibele yi teri, emasikwini yo hetelela loko nkarhi lowu wu ta teka ndhawu, Xi teri, "Ntsumi leyi yi funghaka yi famble na tikereke, yi famble hi madoroba, kutani yi fungha *ntsena* lava va nga hefemuteka ni ku huwelela manyala lawa ya nga endliwa edorobeni." A hi swona xana? Ezekiel 9, ha switiva leswaku walowo i Ntiyiso. Ntsumi leyi yi funghaka yi yile emahlwени yi vekela Mfungho etinhlokweni ta vona, emimombyeni, yi va lemela, "Vona lava va nga hefemuteka ni ku rila."

³²¹ Endzhaku ka sweswo ku ta tintsumi leto dlaya hi timheho ta mune ta misava, leti ti nga ekuteni, ha swi vona swihumelela, tinyimpi ti ya emahlweni laha ti nga ta dlaya misava hinkwayo. A kuri hava leswi ti nga taka ti nga swi khumbhi handle ka lava va nga na Mfungho.

³²² Sweswi humesa...Xana mbilu ya wena yi na mhaka hi vadyohi xana, na hi ndlela leyi kereke na vanhu va swi endlaka, kufikela laha u nga ha hefemutekaka ni ku swi huwelela nhlikanhi na vusiku? Loko swi ngari tano, ndza hlamala. Yalawa i Matsalwa.

³²³ Ntsena u nga ha yima u ku, "Xikwembu lexi rhandzekaka, a ndzi yimi hikuva Makwerhu Branham a swivurile, kambe ndzi twile Rito ra yena ri swivula, nakona ndzi ya eku swi endleni leswi. Eka Wena, Hosi, ndza yima. Ndzi na xilaveko, Hosi. Xana U nga ndzi nyika xilaveko xa mina vusiku lebyi lahawani endhawini leyi? Ndza yima." Xikwembu a xi ku katekisi. Xikwembu a xi ku katekisi. "Ndzi na xilaveko, ndzi Ku lava u ndzi twela vusiwana." Xikwembu a xi ku katekisi. "Ndzi lava kuva muxaka wa Mukreste loyi..."

³²⁴ Sweswi, tsundzukani, munhu loyi a nga yima ekusuhi na wena u fana ni leswi wena u nga xiswona. Ndzi mi lava leswaku mi va tshirelala mi ya va khoma hi mavoko, mi ku, "Boti, sesi, ndzi khongeleti sweswi. Ndzi ku lava leswaku u ndzi khongeleta. Ndzi—ndzi..." Ntsena swivuli hi ku tshembheka hinkwako ka Vukreste, "Ndzi khongeleti. Ndzi

ta...Ndzi—ndzi—ndzi lava ku lulama na Xikwembu. U ndzi khongeleta, ndzi ya eku khongeleni leswaku Xikwembu xi ta mi nyika nkateko.”

³²⁵ Ndza—ndza switiva leswaku hi...Hi ngaka hi nga tshami lahawani nkarhi wo leha; ma swi vona sweswo. Hi le—hi le nkarhini wa makumu. Hinkwerhu n’wina mi swi pfumelaka sweswo, mi nge, “Amen.” [Nhlengeletano yi ku, “Amen!”—Muhler.] Hi...Kuhava lexi xi nga sala. Hinkwaswo swi fambile. Tikereke ti kongomile eka khansele ya Ecumenical. Misava, yi...

³²⁶ Langutani lahawani! Xana ma swi tiva leswi Hosi yi swivulaka hi Los Angeles na tindhawu leti nga lahawani xana? “Ri fambile!” Ma swi tsundzuka leswi ndzi nga mi byela swona, kwalomu ka malembe mambirhi lawa ya nga hundza, hilaha ku ninginika ka misava kwaloko ku nga ta tisa xiswona eCanada lahawani, Alaska? Nakambe ndzi mi byerile leswaku “Hollywood na Los Angeles ma kongoma elwandle. California, i wa khombo! Kungari California ntsena; na wena, misava, u wa khombo! Kereke, handle kaloko mi nga tilulamisa na Xikwembu, mi wa khombo!” HI LESWI SWI VULAKA HI MOYA LOWO KWETSIMA!

³²⁷ Mi tshame mi ndzi twa ndzi tirhisa Vito lero handle kaloko swi ta swi humelela? Ndza mi vutisa! Mi ndzi tive ku ringana makume mbirhi wa malembe. Xana ndzi kale ndzi mi byela swin’wana hi Vito ra Hosi leswi swi nga humelela? Loko hinkwaswo leswi ndzi nga mi byela leswaku swi ta humelela, swi humelerile, mi nge “Amen.” [Nhlengeletano yi ku, “Amen!”—Muhler.] Wa vona? Ndza mi byela, sweswi awara yi fikile, swa antswa mi tilulamisa, hinkwerhu ka hina.

Sweswi un’wana na un’wana a khongeleti un’wana:

³²⁸ Xikwembu lexi rhandzekaka, tani hilaha hi nga yima lahawani vusiku lebyi, hi ri vanhu lava hi faka, swikandza swa hina swi hundzukela emisaveni, a ri tshurini. Ntsena hi...U hi nyikile nchumayelo lowu wu nga tsemelekala, Hosi. Hi vona xikombiso xa vavanuna vambirhi. Un’wana wa kona, ari munhu loyi a khongela, a ya ekerekeni kambe u arile vurhangeli byo yisa eVuton’wini lebyi nga Heriki. Nakona loyi un’wana u arile ku duma hi swa misava kutani a *hundzukela* eka Vutomi lebyi nga Heriki. Nakona ha va vona havumbirhi eka swiyimo swa vona vusiku lebyi, ku ya hi Bibele: xifumi xile ku xanisekeni, nakona Muxe u le Vukwetsimeleni.

³²⁹ Tatana, hi lava ku fana na Muxe. Hi lava ku rhangeriwa hi N’wana wa Wena wo Kwetsima, Yesu Kreste, kuya eka Vutomi lebyi nga Heriki. Hi nyike Byona etimbilwini ta hina vusiku lebyi, Hosi. Handzula timbilu ta khale ta maribye; nghenisa eka hina timbilu leti ntshwa, timbilu ta nyama, timbilu leti Wena u nga vulavulaka eka tona ni ku tirha ha tona, nakona hi

ngaka hi nga tikukumuxi kumbe ku hambana. Leswaku Moya lowo Kwetsima wu nga hi siyi, Hosi. Leswaku Wu nga ha ta wu ta xixima vanhu lava. Wu vulavula na vona; wu handzula ku navela ka vona ka maribye, kutani wu ku veka eka ku rhandza ka Xikwembu. Ponisa un'wana na un'wana, Tatana. Hi nyike rirhandzu ra Wena. Hi nghenisi endhawini, Hosi, leswaku hi ta kota ku fambela ekule na—na hinkwaxo xiave xa nyanyuko, kuya eka xiave xa xiviri xa matitwele... xiave lexi xi twaka hi mbilu, hi vuenti bya Moya, rifuwo ra Xikwembu, Mfumo wa Moya etimbilwini ta hina. Hi nyike swona, Wena Murhangeri Lonkulu, Moya lowo Kwetsima lowukulu, U nga se teka ku haha ka Wena u ya eswibakabakeni na Kereke ya Wena.

³³⁰ Wena Xikwembu, ndzi pfumeleli ndzi famba, Hosi. U nga ndzi siyi endzhaku, Yesu. Ndzi pfumeleli ndzi famba na Wena, Tatana. A ndzi lavi ku tshama lahawani eka misava leyi ku ta hlalela mahlomulo lawa ya taka. A ndzi swilavi ku tshama lahawani eka vuhlanyi lebyi. A ndzi swilavi ku tshama lahawani loko ku voniwa swo biha ngopfu... vanhu va lahlekeriwa hi miehleketo ya vona. Hi vona vanhu lava va ringetaka kuva na maendlelo ya swivandzani va languteka kukotisa swivandzana; na vavasati va ringeta ku languteka kufana na swiharhi, na tipende leti ti nga eswikandzeni swa vona. Va ri karhi va swi tiva leswaku swilo leswi swi vhumbhiwile leswaku swi ta humeleta, leswaku nchumu wu ta humeleta, va tava tinhlanyi kufikela laha tinjiya ti nga ta pfuka tiri na misisi yo kotisa ya vavasati ku ta endzela vavasati; ta meno yo kotisa ya tinghala, na swilo leswi U nga swivula, xiyimo xo hlangana nhloko xa vanhu xi tava xi fambile hi ku hetiseka. Ha swi vona eka ku lulamisa sweswi, Hosi. Hi pfuni! Hi tlheriseli eka miehleketo leyi nga vabyiki ya Kreste Yesu Hosi ya hina.

³³¹ Wena Murhangeri Lonkulu wa Vutomi lebyi nga Heriki, hi amukela xitshembhiso xa Wena vusiku lebyi, Tatana. Ndzi kombelela vanhu lava. Ndzi kombelela un'wana na un'wana wa vona, hi Vito ra Yesu Kreste, Hosi. Ndza khongela leswaku Kreste N'wana wa Xikwembu u ta ta eka timbilu ta un'wana na un'wana wa hina, Hosi, kutani hi yumbi u tlhela u hi endla swivumbiwa leswi ntshwa ha Yesu Kreste. Hi nyike swona, Hosi Xikwembu.

³³² Ha Ku rhandza. Nakona hi lava matshamisekele ya hina lawa ya ngariki kahle...ku ncica ka hina ku ta eka hina, leswaku hi nga hava vana va Wena, hi twa Moya wa Wena wu famba-famba etimbilwini ta hina, Hosi, hi hlayisi u tlhela u hi tisa eka ku tekela enhlokweni ka nguva leyi ya rihuhi ley ihi hanyakka eka yona. Hi nyike swona, Xikwembu. Loko hi vona vanhwana va phasiwile eka ku phasa-phasa ka javulosi, majaha, miehleketo leyi yi nga encenyetiwa, vana, ku va vari eka swiziziharisi, va zaha na tisigarete, va nwa, vugangu, Eden wa Sathana.

³³³ Xikwembu, swi Ku tekele ntsevu wa magidi wa malembe, kuya hi Bibele, ku aka Eden. Nakona U vekela n'wana wa Wena na nsati wa yena kwalahaya (mutekiwa wa yena), ku ta yi fuma. Hiloko Sathana a ta yi encenyeta; u na ntsevu wa magidi wa malembe, nakona u akile Eden wa yena wa vunlharhi hi sayense, na dyondzo, ni leswi swi vuriwaka vunlharhi, nakona u yi akile eka thyaka ra rifu.

³³⁴ Wena Xikwembu, hi tlheriseli endzhaku eEden nakambe, Hosi, laha ku pfumalekaka rifu, laha ku ngariki na maxangu. Hi nyike swona, Hosi. Hi yima hi ku titsongahata, hi rindzerile Adam wa vumbirhi ku ta tela Mutekiwa wa Yena. Hi endli xiave xa Yena, Tatana. Ha khongela hi Vito ra Yesu. Amen.

³³⁵ Xana ma xi rhandza Xikwembu xana? Xana mi nga ha twa... Xana ma swi tekela enhlokweni leswi ndzi ringetaka ku mi byela xana? Loko mi nga swi twisia, ntsena yimisani mavoko ya n'wina, mi ku, "Ndza swi twisia leswi u ringetaka ku swi vula." Xana ma ri vona rihuhi ra nguva leyi xana? Langutani hilaha ri nga fambisa xiswona, a kahari na swivangelo exikarhini ka vanhu nakambe. Swi fambile! Swi kwihia swa hina...? Ambi varhangeri.

³³⁶ Langutani Presidente wa hina! "Loko va lava Xikhomonisi, va tshikeni va va na xona. Ambi vanhu va ngava va lava yini, va tshikeni vava na swona." U kwihia Patrick Henry wa hina, George Washington wa hina? Va kwihia varhangeri va hina lava va nga yimelaka nawu? Ha hari na vona.

³³⁷ Ti kwihia tikereke ta hina, tiministara ta hina? Va ta yisa vanhu ntsena eka probexini, kumbe ku va nghenisa, va joyina kereke na ku endla *leswi* kumbe va va na matitwele nyana kumbe swin'wana. Va kwihia vavanuna lava va Xikwembu, vaprofeta lava nga yima va huma va ringeta ku nyamisa, ku nyamisa swilo hinkwaswo swa misava?

³³⁸ Va kwihia vavanuna lava vo tshembheka? Va le kwihia sweswi? Va olova ngopfu, nakona ku ya hi mavonele ya vutlharhi na swin'wana, kufikela laha va nga ha riki kona lahawani. Wena Xikwembu, vana na tintswalo eka hina.

³³⁹ Ku vona leswo biha ngopfu leswi swi taka ehenhleni ka misava. Mi nga ha swivona hilaha vanhu va yaka eka swona. I vuhlanyi. Kambe loko nchumu walowo wu ba, Kereke yi tava yi fambile.

³⁴⁰ Xikwembu, hi pfumeleli kuva kwalahaya. Xexo i xikhongelo xa mina eka Xivumbiwa lexi nga riki xa Ntumbuluko xa kahle lexi xi nga eka muako lowu vusiku lebyi, Kreste wa kahle yaloye a nga na Vutomi lebyi nga Heriki. Ndza Ku khongela, Kreste, tani hilaha ndzi nga lahawani na mahlo lawa ya pfulekeke, ndzi langutile eka kereke leyi u nga Yi kutsula hi Ngati ya Wena. Xikwembu, u nga pfumeleli na un'we wa hina a lahleka. Hi lava kuva

kahle na Wena. Swingaleswi hi basise, Wena, Hosi, kusuka eka vubihi bya hina hinkwabyo. Susa vudyoho bya hina na swin'wana.

³⁴¹ Hi ku vonile U hanyisa vavabyi va hina, hambi kuri ku pfuxa vafi va hina (va vuyela eka vutomi hi xikhongelo), kutani ha swivona swilo leswi swi humelela, Tatana. Sweswi *hi tlhelerisele* eka Vutomi, hi ximoya; hi vuyiseli endzhaku eka ku tekela enhlokweni ka Vutomi lebyi nga Heriki ha Kreste Yesu. Hi nyike leswi, Tatana. Ndzi swi tisa eka Wena hinkwaswo. Hi Vito ra Yesu Kreste.

Ku kondza hi hlangana! ku kondza hi hlangana!

Ku kondza hi hlangana eminkondzweni ya Yesu;

Ku kondza hi hlangana!

Langutani eka Yena. Mi nge Yena a hi olovisa.

. . . kondza hi hlangana!

Xikwembu a xive na n'wina ku kondza hi hlangana nakambe!

³⁴² A hi yimiseni mavoko ya hina sweswi:

Ku kondza hi hlangana! ku kondza hi hlangana!

Makwerhu Salano, hambi kuri un'wana loyi a landzelaka. [Un'wana a ku, "Ku na swin'wana xana?"—Muhleri.] Ee. Xikwembu a xi mi katekisi.



VURHANGERI TSO65-1207

(Leadership)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Wavumbirhi ni madyambu, N'wendzamhala 7, 1965, eka va Full Gospel Business Men's Fellowship International banquet eCovina Bowl a Covina, California, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org